

KU HLAYISIWA ³



... Neville. I mixo lowunene, tlilasi. Hi tsake ngopfu ku tlhela hi vuya nakambe niku mi xeweta nakambe hi Vito leri ri enetisaka eka hinkwaswo ri nga ra Hosi Yesu. Ni ku tshembha leswaku mi vile ni vhiki lerinene ra midzuniso ya Yena ni minkateko.

² Loko ndza ha ri eku teni mixo lowu, ndzi hlanganile ni xijahetani lexi xi nga ndzi nyika ntungu nyana wa Ntsumi yo rindza leyi a yi rindza vana lavantsongo vambirhi. Kutani a ndzi swi tivanga leswaku a ri Daulton, i Daulton mufana lontsongo.

³ Kutani mavhiki nyana mantsongo lama hundzeke lahawani, kumbe mantsongo...Kwalomu ka mavhiki mambirhi lama hundzeke, a kuri ni tatana, tatana wa Mukreste, a kombelela n'wana wa yena wa nhwana loyi a nga ri Mukreste, loko a ha yimile elayinini ya xikhongelo. Kutani Moya wo Kwetsima kwalaho wu teri, "Ndzi—Ndzi ku nyika n'wana wa wena." Kutani u kona mixo lowu kwalahawani, u ponisiwile a tlhela a khuvuriwa hi Vito ra Hosi Yesu, u tshamile eka platifomo, ntsena tani hilaha Moya wo Kwetsima wu vuleke hakona. Ni vana van'wana va kona hinkwavo va tshamile kwala. Ndza switiva leswaku ndyangu wa Daulton wu tsakile.

⁴ Ndzi vona mhani ntsongo lahaya laha a va khongelela n'wana Sonto lowu nga hundza, a va ehleketa leswaku u ta lova. Ndza swi vona wa ha ri na hina mixo lowu, kutani hi tsakile hikokwalaho ka sweswo, sesi. A va ehleketa leswaku a xota ngati, kutani a nga ri na yona. Swingaleswi ha nkhenza swinene.

⁵ Ndzi vona vanghana hinkwavo va hina lavanene. Ndzi tsundzuka wanuna loyi a teke eka mina eka nkonaniso wo hlawuleka e—e Chautauqua nkarhi wun'wana, ndza pfumela leswaku a ku ri kona. Ndzi vile ni swakudya swo fihlula na wena ni nsati wa wena ni vana, ndza swi pfumela... kumbe wena ni nsati wa wena, kumbe vana, ina, na vona. [Makwerhu a ku, "Middletown."—Muhleri.] Middletown, eka... Kambe hinkwerhu ka hina... ndzi rivele vito lero, ntsena a ndzi ri vitana Chautauqua. Ina, nkulukumba. Vanghana va kahle vo tala va mina.

⁶ Makwerhu Charlie Cox na Sesi Nellie lahawani, laha ku nga ekaya ra vumbirhi eka mina, kutani a ku na swin'wana kambe mi nga ha va vana lava va nga va mina. Ndzi enhlela lahaya ehansi, hilaha ndzi tekaka nkarhi wo tala wa ku wisa, hi lahaya ehansi. Hi yena muhloti lonkulu wa maxinjani eKentucky loko ndzi ri eIndiana. Kutani swingaleswi

Indiana . . . Kutani Charlie, ndzi ku byela leswaku ntsena ndzi ni rilaveta, ndzi twa ndzi ri niku chava swinene tani hiloko ndzi fanele ku khoma swi ntsongo swa minala ya vona kumbe ku chucha ngoti ndzi nga se sungula kwalahaya. Ntsena ndzi titwa i ngaku ndzi nga khoma yo tala hi ntiyiso.

⁷ Makwerhu Parnell . . . Par- . . . Arnett, kusuka eLou- . . . South Carolina. Kutani Makwerhu . . . Kunene, swingaleswi ni vo tala vo hambana lahawani lava va humaka etindhawini to hambana, lava va teke emixweni lowu ku ta hi endzela.

⁸ Maswitiva, hi hava vuxirho bya ntolovelo lahawani. Ntsena hi ni xinakulobye eka un'wana ni un'wana, loko Ngati ya Yesu Kreste, N'wana wa Xikwembu, yi hi basisa eka vubihi hinkwabyo.

⁹ Sweswi, hi niku dyondza lokunene, ntsena loku kwetsimaka. Kutani hi tano, kahlekahle ndzi . . . tiphina hi swona sweswi, kutani ndza switiva leswaku na n'wina hinkwenu ma tiphina hi swona. Minkarhi yin'wana ndzi ti kuma ndzi sungurile esikwini, ku vulavula hi swona kumbe ku swi hlaya, ndzi kuma tivhese timbirhi kutani ndzi va ndzi sungurile hi Matsalwa kutani, xo sungula lexi mi xi tivaka, ndzi vulavurile hi Genesa kufika eka Nhluvutelo, ndza ha ya emahlweni hambu swiritano.

¹⁰ Kutani, maswitiva, ndzi ta tsakela ku teka nkarhi laha hi nga ta kota ku—laha hi nga ta kota ku nghena eka Buku ya—ya va-Heveru, kutani ntsena hi swi teka ku fana . . . Kunene, loko nguva ya vamaxinjani yi fika, tani hi Ndzhat- . . . kwalamu ka Nhla- . . . Mhawuri, maswitiva, kutani ndzi ya emahlweni ku kondza ku fika nkarhi wo ya entsungeni wa malwandle, ntsena madyambu man'we eka Buku ya va-Heveru, kumbe Buku ya Eksoda. Leswi Xikwembu, Eksoda, Xi humesisaka xiswona vanhu va xona eEgipta, ku huma! Maendlelo ya kahle swinene eka hina ya ku tilulamisela ku huma ka hina. Swi, oho, i nchumu wo saseka ngopfu. Matsalwa hinkwawo ntsena mabohiwa kun'we, kutani i Xitori xin'we lexikulu.

¹¹ Sweswi, emixweni lowu ha hari—ha hari eBukwini ya . . . Hi ya eku tekeni ka mapapila manharhu yo sungula ya—ya Buku ya va-Efesa. Papila ra Paul eka va-Efesa eEfesa, a kuri ku ringeta, ku tshamisisa kereke exiyin'weni xa yona. Kutani ntsena hi nga se yi tshunelela, hi nga hlayisa xinkadyana nyana kumbe yimbirhi hi khongela, ntsena loko hi nga si sungula.

¹² O Hosi, Xikwembu xa hina, hi ta eVukoneni bya Wena sweswi, hi nga ri lavanene tani hilaha hi nga xiswona, hambiswiritano na switiva leswaku ku ni Gandzelo ra Ngati lahaya ri rindzeleke, ri hi basisaka eka vubihi hinkwabyo, kutani ri hi yimela emahlweni ka Tatana, ri nga ri na swisololo, ni swihoxo. Ku nga ri na nchumu lowu hi nga wu endlaka ku swi kuma leswi. Kambe hikwalaho ka Yesu a nga hi endlela swona, hi korhamisa

tinhloko hi ku titsongahata eVukoneni bya Yena nile Vitweni ra Yena, hi ri eku kombeleni leswaku U ta hi rhumela Moya wo Kwetsima exikarhini ka hina mixo lowu. Kutani tani hiloko hi nga ri va ntivo-vukhongeri kumbe ku tiva ku veketela Matsalwa hi nongonoko lowunene, kambe ntsena ndzi hisekela niku khensa eka ku twa Moya wo Kwetsima tani hiloko Wu famba-famba eka xivumbeko xa mina, leswaku Wu nga ha katekisa hinkwerhu ka hina tani hiloko ha ha hlaya Rito ra Wena leri tsariweke, leri Ri nga ha vaka eka hina Vutomi lebyi nga Heriki. Hi nyike swona, Tatana. Ha swi kombela hi Vito ra Yesu ni hikwalaho ka Yesu. Amen.

¹³ Sweswi ndzi nga ha vula leswi lahawani, xo sungula, leswaku loko ndzi nga vula swin'wana leswi mi nga taka mi nga yimi na swona, leswi nga vekiwangiki hi ndlela leyinene, kumbexani leswi nga hoxeka hi ku hetiseka ku ya hi madyondziselo ya n'wina, kumbe swin'wana leswi mi nga taka mi nga yimi na swona, ndzi tshembhela eka Moya wo Kwetsima, leswaku Wu ta swi endla swi olova niku twala swinene ku kondza ku nga ha vi. . . ni swisololo eka hinkwaswo. Wa vona? Sweswo swi tava—swi tava hi rirhandzu ni xinakulobye, sweswo hi leswi swi nga xiswona. . . Swi vula sweswo hi ndlela yaleyo.

¹⁴ Kutani hinkwaswo leswi hi swi sungurile hi nchumayilo wa Sonto lowu hundzeke, ndza pfumela leswaku a kuri yona, Sonto lowu hundzeke ni mixo, tani hi *Hosi Leyi Yi Ariweke*. Xana u kona loyi a nga ni thepi ya kona sweswi? Ndzi ehleketa leswaku va na tona, kutani mi nga va na tona loko mi tinavela, *Hosi Leyi Yi Ariweke*.

¹⁵ Sweswi ntsena masiku nyana matsongo hi tava hi sungula e. . . ehenhla eMiddletown, Ohio. Hi lava hinkwavo lava—lava va nga tava niku endzela hi nkarhi walowo kuva ni ntiyiso wa leswaku va ta hlangana na hina kwalahaya, hikuva hi langutele ku va ni nkarhi wa kahle wo hlanganyela eMiddletown, Ohio. Dokodela Sullivan i mutshami wa xitululu, ndza ehleketa, wa komiti. Kutani kutava ni madyambu ya ntlhanu ya swona, ndzi ta chumayela tani hi—hi xivulavuri xa siku eka Nhlengeletano ya Misava hinkwayo ya tikereke ta Tidinominexini. Kutani endzhaku—endzhaku ka sweswo, ku tava ni nhlengeletano ya hina kuya emahlweni. Hi ta dedeleka na yona ku kondza ya khume mbirhi, kambe hi ri karhi hi swi twisisa leswaku hi nga ya emahlweni hambu kuri vhiki rin'wana endzhaku ka lero, ntsena swi ta lawula hi Moya wo Kwetsima leswaku wu hi rhangela njhani. Hinkwerhu hi lava ku rhangeriwa hi Moya; ntsena leswi Moya wu nge swi endleni, swi endleni hi ku hatlisa.

¹⁶ Kutani a hi tsundzukukeni loko ha hari eku yingiseni ka Moya, dyondzo yin'wana leyikulu leyi hi lavaka ku yi

dyondza, a yi hatlisi. Wa vona, tekani nkarhi wa n'wina, vanani ni ripfumelo. Loko hi nga kombela Xikwembu swin'wana, tsundzukani leswaku Xikwembu xi hlamula swikhongelo. Xi swi endla hi nkarhi wa Xona, hi ndlela ya kahle swinene, ntsena xi swi endla swi endleka eka hina. Kutani loko sweswo swi nga ri tano, xana hi endla yini mixo lowu lahawani? Xana—xana hi koxela yini Vukreste xana? Xikwembu. . . Loko leri ku nga ri Rito ra Xikwembu, kutani Ri nga ri ntiyiso, kutani hi kumiwa exikarhi ka vanhu ngopfu lava hluphekeke.

¹⁷ Ndzi tsakile ku tihlanganela ni timbilu leto tala lahawani leti tivaka leswaku Leri i Rito ra Xikwembu leri nga riki mavunwa. Kutani Rona, Rona i Rito rin'wana ni rin'wana ra Ntiyiso, Rito rin'wana ni rin'wana ra Yona, xiphemu xin'wana ni xin'wana xa Yona. Kutani ni tintswalo ta Xikwembu, tani hiloko ndzi vile ni nkateko wa ku vona Tiko leri siku rin'wana hi nga ta famba eka rona.

¹⁸ Tolo. Vanhu a va switivi leswi swi tshikelelaka leswaku i minkarhi leyi yi taka ni muxaka wo tani hi lowu wa ministri. Ndzi kumeka ndzi tshikeleleka hi ntiyiso, kutani ndzi teri eka nsati, "Ntsena ndzi tsakela ku ya emahlweni."

A ku, "Hikokwalaho ka yini u vula sweswo xana, Bill?"

Ndzi ku, "Oho, lahawani ndza karhateka ni swin'wana."

¹⁹ Kutani a swi languteka tani hiloko Moya wo Kwetsima wu teri, "Xana u ringeta ku va tsemekanya xana? A wu tano, u ringeta ku va papalata xana?" Wa vona?

²⁰ "Ee," ndzi ku, "ntsena ndzi pfumeleli ndzi yima ndzi tiyile eswikandzeni swa swona hinkwaswo kutani ndzi kongomana na swona. Wa vona, ntsena. . ." Wa vona?

²¹ Swi antswa ngopfu. Hi ku tshembheka, hi ntiyiso, ndzi vula leswi hi vumbhoni lebyi ndzi byi voneke, leswaku endzhaku kaloko vutomi lebyi byi herile, hi nghena eka Tiko leri nga endzhaku ka xin'wana ni xin'wana lexi munhu a nga xi ehleketaka. Kutani loko kuri ni lava hi nga tivaniki lahawani, ndza tshembha leswaku a mi nga ta swikota. . . Ndza khongela eka Xikwembu leswaku mi nga ndzi teki tani hi munhu wo fambula. Ndzi—ndzi lava, loko xin'wana ni xin'wana, xi nga tshembheka niku vula Ntiyiso. Kutani hi swihi swa kahle eka mina ku vula leswi hoxekeke, loko kuri ni—kuri ni swo tala leswi swi nga lahawani swi nga Ntiyiso? Hina, hikokwalaho ka yini hi fanele ku vula leswi nga hoxeka hi wona xana? Wa vona? Wona, ntsena Wona i Ntiyiso.

²² Kutani, a swihlamarisi, ndza pfumela leswaku Paul u kumekile eka tilo ra vunharhu, kutani u vonile swilo leswi nga n'wi lulamelangiki ku vulavula ha swona. Kutani siku rin'wana u teri, "Tihlo a ri vonanga, ndleve a yi twanga, kumbe

kuva na yona hambi ku nghena embilwini ya munhu, leswi Xikwembu xi nga na swona swa vona (ku swi hlayisa) lava va Xi rhandzaka.”

²³ Oho, ntsena hi va hundzi. . . Hi hanya enhulwini ya tala lahawani emisaveni, hi swona sweswo hinkwaswo, ntsena laha ku hiseriwaka kona nhulu ya thyaka ku teleke hi—hi musu lowu wu tuvikaka wu humaka ethyakeni. Ra. . . Hambi loko hi nga nyamisiwanga hi rona hina, hi hanya eka rona, laha musu wu humaka eka kala leri ri faka ra musu wa vudyoho. Xin’wana xa leswi swi hlambisaka ngopfu timbilu ndzi nga ehleketaka ha swona, i tala ra doroba ra khale ri pfurhaka. Mikale mi va ekusuhi ni rin’wana ra wona xana? Lowu wu chavisaka, ku nuhwa loku ku nyameke lowu wu yaka ehenhla ni tinxaka hinkwato ta thyaka. Kutani—kutani mi wu hefemula, kutani ntsena wu mi hundzuluxa.

²⁴ Ndzi tsundzuka loko ndzi lava ku ya eNew Albany, ehansi eka. . . ehansi ka Eighteenth Street, hi laha a ku tolovelekile kuva ni ndhawu yo chela thyaka ya khale, kutani a ndzi fanele ku ya teka kona niku hlaya timitara. Kutani ntsena ndzi chavile swinene siku lero leswi a ri ri xiswona, ndlela ya vukhume nhungu, loko ndzi fanele ku teka yaleyo kwalahaya, hikuva a yi nuhwa ku nuhwa loku chavisaka. Hambiswiritano, a kuri ni mintsumbu ya makondlo ni ya timbyana ni hinkwaswo, maswitiva, leswi a swi ri eku tuvikeni ni musu walowo lowu a wu ta wu huma eka yona.

²⁵ Sweswi, hambiswiritano, sweswo hi leswi vutomi lebyi byi pimanisiwaka na swona, eka vukahle bya byona. Ntsena ku tuvuka, xidyoho ntsena xi nuhwa hinkwako, tani hilaha a swi ri hakona, hi ku vulavula ka ximoya. Kambe, oho, laha moya wu hungaka hi ku ntshunxeka, kutani swin’wana ni swin’wana swa rhandzeka niku rhula ni ntsako ni Vutomi lebyi nga Heriki, ntsena ku pela nambu. Kambe hi le nyimpini, swingaleswi ntsena hi nga tshami ehansi kutani hi ku, “a hi hatliseni hi ya lahaya,” a hi tiseni un’wana ni un’wana loyi hi nga n’wi tisaka. Ina.

²⁶ Kutani sweswi xikongomelo xa tidyondzo leti i ku nghanisa lava se va tsemakanyeke Tiko. Xikongomelo lexi, xa ku hlaya Buku leyi va-Efesa, i ku veka kereke exiyin’weni xa yona laha hikuhetiseka yi nga yima eka Krete. I muxaka wa Testamente ya Khale ni Buku ya Yoshuwa, laha Yoshuwa a longoloxeke. Sonto lowu hundzeke hi vile na yona, laha Yoshuwa a longoloxeke tiko eka munhu un’wana ni un’wana. Kutani u swi endlile hi ku hlohloteriwa.

²⁷ Leswi Muxe a ri xiswona. . . loko a humesa vanhu eEgipta, ro nuhwa, ra liki, va huma, kutani a va nyika ndhawu leyi Xikwembu xi nga va tshembhisa yona kuringana mune wa madzana ya malembe endzhaku. . . kumbe ku nga se va ni

mune wa madzana, leswaku Xi ta va yisa endhawini, tiko ra kahle leri khulukaka ntswamba ni vulombe. Kutani Muxe u rhangerile vana va Israel ku ya fika etikweni, kambe a nga va nghenisanga.

²⁸ Kutani Yesu, eximoyeni, eka vanhu lava nga tava...hi tshembhisiwile Moya wo Kwetsima kusukela emasunguleni, Yesu u hi rhangerile ku ya eka xitshembhiso. Kambe Moya wo Kwetsima wu tile, tani hi Yoshuwa, ku ta yisa emahlweni ku rhangela niku kongomisa niku fuma tiko, kumbe ku fuma kereke. Ha swi kumisisa leswaku, emasunguleni, kutani, leswaku eka hina...

²⁹ Sweswi lahawani hi laha, kumbexana, vanhu va nga ehleketa leswaku ndzi ni mona niku ringeta ku kala nsovo eka vamakwerhu. A ndzi tano! Xikwembu xi tava Muavanyisi wa mina, a ndzi tano. Wa vona? Ndzi ringeta ku humesela handle swin'wana leswi swi nga Ntiyiso. Wa vona? Hi hlawurile varhangeri, va vanhu, ematshan'wini ya ku rhangela, varhangeri, ku rhangeriwa hi Moya wo Kwetsima. Hi lavile vanhu ku ta hangalasa xiphemu xa hina niku hi rhangela, tidinominexini to fana na Methodist, Baptist, Presbyterian, Lutheran, church of Christ, Pentekostal, ni tidinominexini tin'wana to hambana-hambana, ku endla nhlngano tani hi xikombiso, kutani hi landzelela sweswo. Kambe hi tano...

³⁰ Kuhava eBibeleni laha hi faneleke ku endla swo fana ni sweswo. Ku hava ni tsalwa na rin'we eka Matsalwa, eka Bible hinkwayo ya Xikwembu, laha Xi nga tshama xi kondletela kereke kumbe laha Xi nga tshama xi vulavula hi vandla, kuhava ni kun'we eBibeleni. Kambe minkarhi hinkwayo yi hambana naswona. A Xi hi lavi hiva va fexeni tani hi swilo swa misava. Xi hi lava leswaku hi va lava va hambaneke, hi ti ava.

³¹ Sweswi a ndzi vuli ku va "xiphukuphuku," tani hilaha hi swi vitanaka ha kona. Ndzi vula ku va vanhu lava va nga vitaniwa, oho, rixaka ro kwetsima leri katekisiweke, ri hanyaka vutomi lebyi nga ehenhla ka ku soriwa, maendlelo, hi va ni matikhomele ntsena tani hi laha A nga xiswona, a tirhaka eka hina, hikuva hi xitirhi xa Yena xa vumunhu, hi tumbuluxeriwile eka Kreste Yesu eka mintirho leyinene.

³² Sweswi, hi madyambu ya Ravunharhu, votala va n'wina a mi nga ri kona hi madyambu ya Ravunharhu, kambe hi nghenile eka...Ndza pfumela leswaku i vhesa ya vu3 kumbe ya...Ee, i vhesa ya vu5.

...eka ku hlayisiwa, kumbe ku tshamisiwa ka vanhu...

³³ Leswi Xikwembu xexo, xi ringetaka ku tshamisisa vanhu va Xona. Kutani loko Xikwembu xi veka un'we, kutani, oho, kereke hinkwayo yi lava kufana na yena, va va ni swilo swo

fana, va endla swilo swo fana. Hi averiwe ku hambana, hi endliwile ku hambana, hi tumbuluxiwile ku hambana, kutani hi tlhela hi vekiwa eswiyin'weni swo hambana, un'wana ni un'wana eka ntirho wa yena wo hambana; kumbexani un'wana eka muxaka wun'wana wa xintirhwani, un'wana eka ntirho lowu kulu. Ndza pfumela leswaku a kuri Davhida kumbe un'wana wa vaprofeta, ndzi rivarile sweswi, a nge teri, "Ndzi rhandza ku tshama erikupakupeni ra Yindlu ya Hosi, ku tlula ku. . . tshama emintsongeni ya lavo biha- . . . vo biha."

³⁴ Sweswi hi ta yima nyana sekene hi ku hlayisiwa, vhesa ya vu5, hi ta ringeta ku hlaya hi ya ehansi ku fika laha hi nga ta kota kona. Kambe sweswi tsundzukai mongo, hinkwawo wule ka ku tshamisisa. Xana i vangani va swi twisisaka sweswo? Mi nge ndzi mi twa hi rito rin'we mi ku. Ku tshamisisa [Nhlengeletano yi ku, "Ku tshamisisa"—Muhleri.] ka Miri ["ka Miri"] wa Yesu Kreste ["wa Yesu Kreste"] exiyyin'weni ["exiyyin'weni"] eka Kreste ["eka Kreste"] laha Moya wo Kwetsima ["laha Moya wo Kwetsima"] wu hi rhangelaka. ["wu hi rhangelaka."] Laha mi nga kona, sweswi ha swi kuma, wa vona. Wu hi veka exiyyin'weni, Buku ya va-Efesa i kuva yi endla sweswo.

³⁵ Kutani langutani mudyondzisi loyi lonkulu, Paul. Xo sungula lexi a xi endleke i ku susa miehleketo hinkwayo ya ku wa. A susa miehleketo hinkwayo ya leswaku u tshame "a va Mukreste namuntlha kutani mundzuku ndzi fambile, kutani hi siku leri tlhandlamaka Xikwembu xi ndzi avanyisa kutani hi siku leri tlhandlamaka ndzi tlhela ndzi vuya nakambe." Sweswo a swi twali! Sweswi leyi i . . . Buku leyi a yi kongomisiwanga eka kudyondzisa ka vu-evhangelu, minchumayelo ya va evhangelu. A hi tano . . . A ndzi swi khumbhi leswi emasin'wini. Ndzi tisa leswi eka kereke, tani hiloko Paul a swi kongomisile eka vakwetsimi, lava vitaniweke niku hlayisiwa, kutani va tatiwile niku vekiwa etlhelo, kutani va le ka Moya wo Kwetsima, eTikweni ra Kanana. U le kuringeteni ka ku va byela, xo sungula, huma emiehleketweni ya wena ya leswaku u ta lahleka kutani u ya eku endleni ka *leswi*, kutani wa swi chava *leswi*. Mi nga chavi nchumu, hikuva u le ku ringeteni ka ku mi byela laha mi nga kona, ni leswaku mi va mani, ni leswaku mi yime kwini.

³⁶ Sweswi, mi nga ha endla swilo leswi hoxekeke, kutani nkarhi hinkwawo loko mi endla leswi hoxekeke mi kuma hakelo ya swona. Ina, nkulukumba, mi ta tshovela leswi mi swi byaleke! Kambe sweswo a swi na nchumu niku ponisiwa ka n'wina. Loko mi tswariwile hi Moya wa Xikwembu, mi ni Vutomi lebyi nga Heriki kutani mingaka mi nga ha fi handle kaloko Xikwembu xi nga fa. Mi xiave xa Xikwembu, mi vana va Xikwembu.

³⁷ Ndzi tswariwile ndzi ri Branham. Mi nga ha ndzi thya vito rin'wana, vito rin'wana, kambe a ri nga ndzi ncinci ni

swintsongo, ndzi ta tama ndza ha ri Branham. Ndzi tswariwile ndzi ri Branham, minkarhi hinkwayo ndzi tava Branham. Ndzi ta...ndzi nga ha pfumala xivumbeko siku rin'wana, xi susiwile hi vuvabyi bya mahlanganisi, ndzi mbumburheka ni handzukela ku kondza ndzi languteka tani hi xiharhi, kambe ndzi ta tama ndza ha ri Branham! Hikokwalaho ka yini? Ngati ya ka Branham yi le ndzeni ka mina.

³⁸ Sweswo hi leswi mi nga xiswona. Kutani ntsena tani hiloko Xikwembu xa ha mi endlile...Sweswi tsundzukani, a ndzi vulavuli hi lava va nga ehandle eka Kreste. Ndzi vulavula hi lava va nga eka Kreste. Xana mi nghena njhani eka Kreste? "Hi Moya wu ri wun'we!" Rito lerinkulu M-o-y-...leswi swi vulaka leswaku, "Hi Moya wu ri wun'we wo Kwetsima hinkwerhu hi khuvuleriwela eka Miri wu ri wun'we." Xana hi nghena...Xana hi nghena njhani? Hi nkhuvalo wa mati xana? Leswi hi nga twananangiki eka swona hi leswi a ndzi ri na n'wina va Baptist na n'wina va church of Christ. Ku nga ri hi nkhuvalo wa mati, ku nga ri ha nchumu! Va-Korinto vo Sungula 12, yi teri, "Hi Moya wu ri wun'we, Moya wo Kwetsima, hi tisiwa eka Miri walowo wun'we." Kutani hi tava lava sirhelekeke tani hi Miri wolowo wu nga sirheleleka. Xikwembu xi...swi tshembhisile.

³⁹ Xana Xikwembu xi nga N'wi avanyisa njhani nakambe, loko A yile eXihambanweni xana? Loko a ya eGolgota, U biwile, a twisiwa ku vava, A nga ta swikota ku hanyisa, A nga ta swikota hambi kuri ku vula rito ri nene, hi ku tikeriwa. Xana hikokwalaho ka yini? A ri ni swidyoho swa misava leswi a swi ri eka Yena. Ku ngari hikuva A ri mudyohi, kambe "U endlwile xidyoho" hikokwalaho ka mina na n'wina. Swidyoho hinkwaswo swa misava ku sukela eka Adam ku kondza A vuya, swi wiserile emakatleni ya Yena. Kutani Xikwembu a xi ngari ku xupuleni ka N'wana wa Xona. A xi ri eku xupuleni ka xidyoho. Maswivona leswaku swi chavisa njhani? A Xi ri eku endleni ka ndzivalalelo exikarhi ka vanhu na xona. A ri eku endleni ka ndlela yo baleka eka lava va nga va Xikwembu, hi vutivi bya Xona, xi swi tivile leswaku swi ta fika. Hi ta nghena eka sweswo hi timinetse tintsongo.

⁴⁰ Sweswi, manuku, loko mi "khuvuriwile hi Moya wu ri wun'we hi khuvuriwile eka Miri walowo, Miri wun'we, lowu ku nga Kreste," kutani hi hlayisekile hilaha ku nga heriki.

⁴¹ Sweswi, lahaya hilaha swi langutekaka swi ba ku chavisa, ngopfu-ngopfu va—va—va vappfumeri va Arminian, lava va nga...lava va endlaka swilo hi ku tixisa ka vona hi voxo, kumbe ku tixisa hi swin'wana. Xana ku nga va ni swilo swimbirhi njhani hi nkarhi wu ri wun'we? Swi nga hava hi

tintswalo kumbe hi mintirho, xin'we xa swona. Swingaka swi ngavi hi xilo xin'we, swifanele ku va hi swilo swimbirhi leswi hambaneke; swi fanela kuva tano hi xin'we. Swi . . .

⁴² Ndzi, mina, ntsena a ndzi voni swin'wana handle ka tintswalo ta Xikwembu. Hi leswi ndzi tibombisaka ha swona. Minkarhi hinkwayo ndzi pfumela eka tintswalo. Ntsena ndzi wa tintswalo hinkwako, sweswo swi helerile. A swi vuli leswaku ndza—ndza . . . hambu kuri evuton'wini bya mina, loko ndza ha ri jaha, a ndzi nga voni nchumu, ntsena tintswalo, tintswalo. Va teri, “Ndzi—ndzi ta . . . Mi ndzi n'waya nhlana kutani na mina ndzi ta mi n'waya wa n'wina.” Kunene, i nhlamuselo leyi chavisaka swinene. Kambe a ndzi na mhaka ni leswaku ma ndzi n'waya kumbe ee, loko ya n'wina yi lava ku n'wayiwa, ndzi ta mi n'waya hi ndlela yin'wana. Wa vona, tintswalo. Ina, nkulukumba. Wa vona, tintswalo ti tirha hi rirhandzu. Loko mi ti lava! Swi nga ri na mhaka leswaku a mi ndzi endlelanga nchumu, a ndzi—ndzi na lexi ndzi nga xi endlaka eka n'wina, loko mi ti lava ndzi ta mi endlela tona. Tintswalo! Hikuva hi leti mi ti lavaka!

⁴³ Ndzi lavile ku ponisiwa. A kuri hava nchumu lexi a xi ta ndzi ponisa. A ku nga ri ni nchumu lexi a ndzi ta xi endla hi ndzeze, a ndzi nga ta tiponisa hi ndzeze kutlula swin'wana. Kambe ndzi lavile ku ponisiwa, hikuva ndzi pfumela eka Xikwembu. Kutani Xikwembu xi rhumerile N'wana wa Xona, u endlile tani hi nyama leyi dyoheke, a xaniseka endhawini ya mina, kutani ndzi ponisiwile, hi tintswalo ti ri toxe ndzi ponisiwile. Ku nga ri ni lexi ndzi nga xi endlaka, kumbe lexi mi nga xi endlaka, ku va mi tiponisa n'wina hi n'wexe. Kutani lava Xi va tiveke ku nga si va ni masungulo ya misava . . .

⁴⁴ A hi ri eka swona, Ravunharhu lowu hundzeke. Hi fananisile Xikwembu eka vuElah bya Xona, Elohim, kutani xi hi kombisile leswaku hi Xona lexi a xi hanya xi ri xoxe. Kambe endzeni ka Xona a kuri ni Vutatana, endzeni ka Xona a kuri ni vunene lebyi hambaneke, tani hi Muponisi, tani hi Muhanyisi. Sweswo hinkwaswo a swi ri eka Xikwembu, kutani Xikwembu hi xona xa matimba hinkwawo. Kambe eka sweswo a Xi ri Muponisi, a Xi ri Ta- . . . A Xi nga ri ni Tintsumi, a Xi nga ri ni nchumu. A ku nga ri ni nchumu handle ka Xona n'winyi. A Xi ri xoxe. A ku ri hava xin'wana lexi a xi ri kona handle ka Xona n'winyi.

⁴⁵ Kambe ku va sweswo a Xi ri Xikwembu, swingaleswi a ku fanele ku va ni xin'wana lexi xi nga Xi gandzelaka, hikuva Xi rhandza ku gandzeriwa. Kutani hi Vuxona N'winyi xi vumbile Swivumbiwa leswi swi nga ta Xi gandzela. Sweswi, xinkadyana nyana, a hi swi khumbheni nakambe, xinkadyana sweswi, a hi nge ngehi eka hinkwaswo, kambe mi ta swi kuma

eka thepi. Kambe hikokwalaho ka kuva Xi ri Xikwembu, Xi endlile Tintsumi, kutani Tintsumi ti Xi gandzerile. Tintsumi ta ha Xi gandzela. Hikokwalaho ka yini, Tintsumi leti yimeke eVukoneni bya Xikwembu ti ri ni ntsevu, wa tsete ta timpapa, ntsevu wa timpapa. Ti ri ni timbirhi eswikandzeni swa Tona, timbirhi emilengeni ya Tona, kutani ti haha ha timbirhi, eVukoneni bya Xona, ti huwelela nhlikanhi ni vusiku ti ku, “Wa kwetsima, wa kwetsima, wa kwetsima, Hosi Xikwembu xa Matimba hinkwawo.” Sweswo hi leswi Matsalwa ya swi vulaka. Ta Xi gandzela, sweswi Xi tumbuluxile swin’wana leswi swi nga ta Xi gandzela.

⁴⁶ Kutani endzeni ka Xona ku ni ntumbuluko wa ku Ponisa. Xana swi nga endlekisa ku yini loko xin’wana xa Swivumbiwa leswi, loko ku nga ri ni xidyoho kumbe mianakanyo ya ku dyoha, xana un’wana wa Vona a nga lahlekisa ku yini xana? A swi ngevi tano. Swingaleswi ku fanekele kuva ni swin’wana leswi nga endliwaka swi nga ta lahleka, leswaku Xi tava Muponisi. Endzeni ka Xona ku ni Muhanyisi. Xana ma swi pfumela leswaku hi Xona Muponisi xana? [Nhlengeletano yi ku, “Amen.”—Muhleri.] Xana ma swi pfumela leswaku hi Xona Muhanyisi xana? [“Amen.”] Kambe xana a ku ta humelela yini loko a ku ri hava leswi nga ponisiwaka kumbe ku hanyisiwaka xana? Wa vona, ku fanekele ku va ni swin’wana leswi nga endliwaka hi ndlela yaleyo.

⁴⁷ Swingaleswi sweswi, a Xi kalanga xi swi endla hi ndlela yaleyo, kambe Xi vekile munhu eka maendlelo ya mahanyelo lamanene lawa ya tshunxekeke, “Loko u teka *leswi* u ta hanya, loko u teka *sweswo* u ta fa.” Kutani munhu un’wana ni un’wana loyi a taka emisaveni wa ha vakeriwe swo fana. Xikwembu, hi vutivi bya Xona, xi switivile leswaku i mani a nga ta hanya ni loyi a nga ta fa. Loko Xikwembu xi ri . . .

⁴⁸ Xivutiso xi vutisiwile tolo hi loyi a dyondzeleke swa vukhongeri, eka mina, laha a nghenelerile xikhongelo kumbe ku yingisela thepi, u teri, “Xivutiso xin’we!” U teri, “Xana Xikwembu hi lexi xitshamaka xi ri kona xana? Hambi swi ri tano,” u teri, “Xi nga va xi ri kona kun’wana ni kun’wana?”

⁴⁹ Ndzi ku, “A hi lexi Xi tshamaka xi ri kona nkarhi hinkwawo. Xi ngaka xi ngavi Xivumbiwa kutani xi tlhela xiva lexi xi tshamaka xi ri kona nkarhi hinkwawo. Loko Xi ri lexi tshamaka xi ri kona nkarhi hinkwawo, xana hikokwalaho ka yini mi khongelela Moya wo Kwetsima xana? Loko kuruku hi lexi Xi tshamaka xi ri kona nkarhi hinkwawo, Xi pfala hinkwako laha ku nga pandzeka, ekhoneni, ni rifa, sele yin’wana ni yin’wana, xikampfu, ni hinkwaswo leswi nga kona.” Ndzi ku, “Xana hikokwalaho ka yini Xi hlotile Muxe, loko Xi ri lexi xi tshamaka xi ri kona nkarhi hinkwawo, eku heteleleni? Xana hikokwalaho ka yini Xi yile ehenhla ni le

hansi entangeni wa Eden, xi ri karhi xi huwelela xiku, ‘Adam, Adam, xana u kwihi?’ loko Xi ri lexi xi tshamaka xi ri kona nkarhi hinkwawo?”

⁵⁰ Xi tshama xi ri kona nkarhi hinkwawo hikuva Xi ni vutlharhi hi nkwabyo. Xi tiva xin’wana ni xin’wana hikuva a Xi na makumu, ku va Xi nga ri ni makumu swi Xi endla leswaku xi va lexi xi tshamaka xi ri kona nkarhi hinkwawo. Ku va xi tshama xi ri kona nkarhi hinkwawo, manuku, kuva lexi nga riki ni makumu, manuku, Xi tshamile eMatilweni. Xi tshamile endhawini hikuva hi Xona Xivumbiwa.

⁵¹ Kambe, ku va lexi nga riki ni makumu, kutani Xi tiva swilo hinkwaswo. Xi ri karhi xi switiva leswaku nyonyorhi yi honekisile tihlo ra yona. Ma yi tiva nyoxi leyikulu, loko a ya exihlengeni ku ya kuma vulombe bya yena. U tiva xindingiri xin’wana ni xin’wana lexi xi tshamaka ensinyeni. Xi tiva mianakanyo hinkwayo leyi nga emiehleketweni ya n’wina, hikuva hi lexi Xi nga riki ni makumu ni lexi xi nga ni vutlharhi hinkwabyo. Sweswo hi swona, a Xi ntsena ntsena lexi Xi nga riki ni makumu, Xi ni vutlharhi hinkwabyo, Xi tiva swilo hinkwaswo. Kambe hi Xona Xivumbiwa, Xikwembu i Xivumbiwa, kutani endzhaku ka loko xi ri Xivumbiwa lexi xi sungurile ku tisa leswi.

⁵² Kutani xidyoho, ndzi swi vurile madyambu man’wana, xidyoho a xi lo tumbuluxiwa. A ku na lexi nga tumbuluxiwa handle ka ku encenyeta. Xikwembu xi tumbuluxile swilo hinkwaswo kahle. Xidyoho a xi tumbuluxiwanga. A ku, “Kunene, kwaloko hi kona ku tumbuluxiwa ka xidyoho.” Mi swi twile sweswo. Kambe sweswo i xihoxo. Xidyoho. . . Kuni Mutumbuluxi un’we ntsena, yaloye i Xikwembu. Xikwembu a xi nge tumbuluxi xidyoho, hikuva Xa kwetsima kutani a ku na nchumu eka Xona lowu wu nga xi endlaka. Xidyoho iku encenyeta; ku nga ri ku tumbuluxa, kambe iku encenyeta. Vuoswi iku encenyeta leswi lulameke. Vunwa i ntiyiso lowu nga vuriwangiki kahle. Xidyoho xin’wana ni xin’wana, xidyoho xin’wana ni xin’wana iku encenyeta leswi lulameke.

⁵³ Kutani sweswi, Xikwembu xi tshamisisile. Xi tivonakarisisile xona hi Xoxe, leswaku Xona i Xikwembu. Xi tlhela xi tivonakarisa xona hi Xoxe tani hi Muponisi, vanhu a va lahlekile kutani Xi va ponisile. Xi tivonakarisisile Xona hi xoxe tani hi Muhanyisi. A swi kali swi va ni kuhambana ni leswi vanhu va nge Xi swi xona; kutani Xi tano, hi ndlela yin’wana, ntsena ku fana. Hi Xona Muhanyisi, hi Xona Muponisi, hi Xona Xikwembu, hi lexi Xi nga Heriki. Kutani Xi ni xikongomelo. Kutani xikongomelo xa Xona a xiri xa leswaku, emasunguleni a kuri, ku endla swivumbiwa leswi swi nga ta Xi rhandza niku Xi gandzela.

⁵⁴ Kutani Xi endlile swivumbiwa, kutani swivumbiwa swi wile. Kutani Xikwembu, hi vukala makumu bya Xona, xi langutile ehansi eka xinambyana xa nkarhi kutani xi vona munhu un'wana ni un'wana loyi a nga ponisiwaka. Munhu un'wana ni un'wana, Xi switivile hi vuti-. . .hi vutivi. Kutani loko Xona, hi vutivi, xi switivile leswaku i va mani lava va nga ta ponisiwa ni lava va nga taka va nga ponisiwi, Xi nga ha hlawula. Swingaleswi, rito a hi rito leri nga biha endzhaku ka hinkwaswo, a hiswona? Xi nga ha hlawula, hikuva Xi tivile lava nga vona ni lava va nga riki vona. Swingaleswi, ku endlela ku khoma lava va nga ta ponisiwa, Xi fanele ku endla leswaku ku—ku va ni ku rivalela swidyoho swa vona. Oho, loko hi nga swi kota, hi lava ku nghena eka swona, ntsena tivhese nyana lahawani. Xi hi hlawulerile eVuton'wini lebyi nga Heriki, xi ri karhi xi switiva leswaku ku ni lava va nga ta veka etlhelo hinkwaswo, nakona swi nga ri na mhaka leswaku kuhambana kule kwihhi loko swi ya eka vana va misava, a swi nge vuli nchumu eka vona, hikuva i vana va Xikwembu. Kutani Xi va vitanile.

⁵⁵ Kutani Xi rhumele Yesu, leswaku Ngati ya Yena yi nga hava ndzivalelo, Ngati ya ndzivalelo, leyi endlaka ku rivalelana, kumbe ku—ku amukeriwa, kumbe ku basisiwa. Maendlelo yo basisa lawa ya nga ncinceki. . .Ku ngari ntsena nkarhi wun'we eka mpfuxelelo wun'we, kambe “eku hanyeni, ku hi khongelela,” leswaku Mukreste a tshama a basile nhlikanhi ni vusiku. Ku ni Ngati ya Yesu Krete leyi yi endlaka ku—ku amukeriwa exihambanweni lahaya, e. . .eVukoneni bya Xikwembu, leyi yi hi basisaka hi ku hetiseka, nhlikanhi ni vusiku, eka vudyoho hinkwabyo. Kutani hi hungutiwile hi nghena hi hlaysisekile. Ku hungutiwa hi nghena njhani? Hi Moya wo Kwetsima, eMirini wa Hosi Yesu, kutani hi hlaysiseka. “Loyi a twaka Marito ya Mina kutani a pfumela eka Loyi a Ndzi rhumeke, u ni Vutomi lebyi nga heriki kutani a ngaka a nga avanyisiwi, kutani u hundzile eka rifu a ya eVuton'wini.” A kahari niku avanyisiwa! Mukreste a nga yi eku avanyisiweni. Krete u n'wi yerile. Qgweha ra mina ri yimile endhawini ya mina. U yimerile nandzu wa mina, lowu a ndzi wu hunisa. U byerile Tatana leswaku a swi nga ndzi fanelanga, ni leswaku a ndzi hunisa. Kambe U ndzi rhandzile kutani A yima endhawini ya mina, a yimela nandzu wa mina, kutani namuntlha ndzi ntshuxekile! Ina, nkulukumba. Kutani U halatile Ngati ya Yena, ku yi nyikela eka swidyoho swa hina.

⁵⁶ Matsundzuka Ravunharhu lowu hundzeke ni madyambu, ku hava Mukreste. . .Vudyoho bya Vakreste, nakambe mudyohi a ngaka a nga dyohi. Mudyohi a nga dyohi, hikuva i mudyohi. Ntsena yena o va mudyohi kusungula hi swona, kutani hi swona hinkwaswo sweswo. Lahawani, tekani e—e

ndzhaku ka buku leyi, i ya ntima, xana wu ntimile ku fika kwihi xana? Hinkwako i ya ntima. Kuhava ko basa eka yona, i ya ntima. Mi ri, “*Leyi* yi ntimile ngopfu lahawani.” Ee, a yi tano, hinkwako i ya ntima. Hinkwayo i ya ntima. Sweswo hi leswi mudyohi a nga xiswona. Ntsena u avenyisiwile kusungula hi swona. Kunene, mi ri, “Xana ku nga humelela yini loko a nga endla vuoswi? Xana ku nga humelela yini loko a pfinya wansati un’wana? Xana ku nga humelela yini loko a—xana ku nga humelela yini loko a bindzurisa? Xana ku nga humelela yini loko a balesela un’wana?” Sweswo a hi mhaka ya hina. Sweswo a hi mhaka ya n’wina, hi ni milawu lahawani ya ku hlayisa sweswo. A hi va rhifoma, hi va chumayeri va Evhangelu. A hi n’wi soli eka leswi a swi endlaka, a hi n’wi soli kuva a endla vuoswi. Hi n’wi sola ntsena hikokwalaho ka kuva a ri mudyohi! Loko a ri Mukreste, a nge swi endli. Hi swona sweswo. Loko a hundzukile, a nge swi endli sweswo. Kambe hikokwalaho ka kuva a ri mudyohi, swi n’wi endla leswaku a swi endla sweswo.

⁵⁷ Kwalahaya hilaha swi nga gongondza ehansi ka—ka kuseketeriwa kusuka eka vativi va nawu. Ina, nkulukumba. Makwerhu, mi nge ndzi mi byela, “A swiyi hi mintirho, kambe hi tintswalo hi ponisiwile, kutani sweswo hi ripfumelo.” Ina, nkulukumba. Sweswi, a ndzi nge soli va makwerhu va nawu, i vamakwerhu va mina. Kutani ntsena va tava kwalahaya ntsena tani hi kufana ni van’wana vo tala va vona va nga tava kwalahaya, hikuva Xikwembu xi hlawurile Kereke ya Xona ku va leswaku yi va kwalahaya. Kambe ntsena nchumu, mi—mi khomeleta vanhu leswaku va hirimuka, a va tivi nchumu. “Namuntlha, kunene, kumbexana loko ndzi—ndzi...” Ntsena va tshikeni va switiva; ntsena tani hiloko va kumile ndlala ya misava, a va kona lahaya kusungula hi swona.

⁵⁸ A ndzi hanyi ndzi tshembhekile eka nsati wa mina hikuva ndzi ehleketa leswaku a nga ndzi tshika. Ndzi hanya hi ku tshembheka eka nsati wa mina hikuva ndza n’wi rhandza. Swi le hansi ka nawu lowu hi nga wu teka, leswaku hi rhandzana. Xo sungula, swi nga si va kona, kufanele ku va ni rirhandzu. Ndza n’wi rhandza. Hambu leswi ndzi pfumelaka leswaku loko ndzi nga endla swin’wana leswi hoxekeke, u ta ndzi rivalela, hambu swi ri tano a ndzi nga swi endli hi ndlela yin’wana. Ndza n’wi rhandza.

⁵⁹ Yaleyo hi yona ndlela leyi yi nga xiswona na Krete. Loko ndzi—loko ndzi nga hanya... Ndzi ni makume ntlhanu, loko ndzi nga hanya ndzi fikisa makume nkaye kumbe dzana, ndzi va ndza ha ri ni makume ntlhanu wa malembe yo chumayela; kutani a ndzi nga kalanga ndzi chumayela nkarhi wun’wana, ndzi rhelela ndzi ya tshama enambyeni, ndzi ponisiwile hi ndlela yin’wana. Xikwembu xi ndzi ponisile hi tintswalo ta Xona, a ndzi nga faneli hi ku endla nchumu, lexi ndzi xi

endleke, kumbe swin'wana. Ndza chumayela hikuva ndza Xi rhandza nakona ni rhandza ni vanhu va Xona. Kutani hi xona xivangelo xexo xa kuva ndzi tiva leswaku ndzi hundzile eka rifu ku ya eVuton'wini, hikuva ndza va rhandza kutani nakona ndzi va sala endzhaku. Swi nga ri ni mhaka leswaku va leka swiyimo swihi, ndzi va sala endzhaku hi ndlela yin'wana. Ndzi ya va kuma hindlela yin'wana, ndzi va koka hi ndlela yin'wana. Loko va vuli va rito va nga pfumeli ni va n'wana va nga pfumeli, ni tidinominexini ti nga pfumeli, sweswo a swi ndzi siveli. Ku ni swin'wana! A swi kalanga swi N'wi sivela! U tile exikarhi ka lava nga pfumeriki, kutani a swi kalanga swi N'wi sivela, U yile emahlweni hi ndlela yin'wana. Sweswo hi leswi hi swi endlaka, hi ya ehandle hi ya va kuma, hi va khoma hi ndlela yin'wana. Swi nga ri na mhaka, ku va fikelela, hi va khomelela, mi khomelela hi matimba ya n'wina hinkwawo. A mi va tivi leswaku i vamani. Va poniseni. Sweswo swi hi rirhandzu. Ku nga ri hikuva swi "ndzi fanerile," kambe hikuva ndza swi rhandza, hikuva ma swi rhandza.

⁶⁰ Mi ri, "Ndzi fanele ku ya ndzi ya swilulamisa eka wansati yaloye, kambe, ndza mi byela sweswi, ndza bvumbha hikuva ndzi ya ekerekeni ndzi fanele ku swi lulamisa." Ee, mi van'wana lava mifaneleke ku swi lulamisa, kusungula. Wa vona? Wa vona? Loko mi nga ri na rona rirhandzu ra Xikwembu etimbilwini ta n'wina, swin'wana swi mi endlaka leswaku mi tiva leswaku mi hoxile, kutani mi ya—kutani mi ya mi ya swilulamisa ni Xikwembu. Kutani mi ta switshamisekisa ni vaakelani va n'wina.

⁶¹ Yesu u dyondzisile swo fana. U teri, "Loko mi ta e altarini, kutani ku ri ni. . . tsundzukani loko ma ha ri ni nfanelo yo lwisana ni muakelani kumbe makwerhu, fambani mi ya swi tshamisekisa na yena, ku sungula."

⁶² Sweswi, sweswi eka tinguva leti nga tata. Hi vile na swona hi Ravunharhu ni madyambu, "ku kombisiwa." Ha swi khumbha nakambe emixweni lowu, eku "kombisiweni ka vana va Xikwembu," sweswi laha Xikwembu xi nga rindzela kona. Kutani enkarhini wa makumu loko hinkwerhu hi tava hi yimile emahlweni ka Xona. Tintsumi a ti lahlekanga. A ti nge switivi leswaku ku tiphinisiwa ku yini hi minkateko tani hi laha hi swi endlaka, a ti kalanga ti lahleka. Kambe ndzi tiva leswi ndzi humaka eka swona, ndzi tiva ribye leri ndzi vatliweke eka rona, mudyohi. Mi tiva laha mi vatliweke kona. Sweswi loko hi kumekile, kutani hi ta yima emahlweni ka Xikwembu. Oho, ri tava siku ra njhani!

⁶³ Kutani ku hlayisiwa, ku tshamisiwa. Sweswi, Xikwembu xi le ku endleni ka leswi hi ku tirha. Kutani sweswi loko ndzi nga mi kumela leswi, kutani sweswi hi ta sungula eka vheshe ya vu5, ndzi lava ku Yi hlaya.

*Xi hi hlaurile khale ku hi endla vana va xona ha Yesu
Kreste, hi Ku tirhandzela ka vunene bya Xona,*

⁶⁴ I ku ti rhandzela ka Xikwembu ku endla ku rhandza ka Xona, eku hlayiseni, hiku tshamisisiwa. Xana sweswi Xi le ku endleni ka yini? Xi le ku tshamisiseni ka Kereke ya Xona. Xosungula, Xi vitanile kereke ya Xona, Methodist, Presbyterian, Lutheran, Baptist, xi tivitana. Kutani xana Xi endla yini? Xi rhumerile Moya wo Kwetsima xi tlhela xi va nyika nkhuvelo wa Moya wo Kwetsima.

⁶⁵ Ndzi lava n'wina vanhu va Pentekostal mi humesa leswi etimbilwini ta n'wina. Pentekosta a hi dinominexini; pentekosta i ntokoto. I Moya wo Kwetsima. A hi vandla. A mi nge kondleteli Moya wo Kwetsima. A ngaka a nga swi yimeli sweswo. Sweswi mi ni vandla leri mi ri vitanaka tano, kambe Moya wo Kwetsima wu huma wu famba wu mi siya mitshamise xisweswo, kutani ntsena mitshamela ro ya emahlweni. Wa vona? Pentekosta a hi vandla; pentekosta i ntokoto.

⁶⁶ Kutani Xikwembu xi nyikile vana va Xona ku Tswariwa lokutshwa, hi nkhuvelo wa Moya wo Kwetsima. Va tile ekusuhi na Wona loko va tava va tibasisile, ku ya hi va Nazarene, Pilgrim Holiness. Kutani va ta eka ntokoto wa pentekosta, kumbe nkhuvelo wa Moya wo Kwetsima, ku vuyelerisiwa ka tinyiko. Va yile emahlweni va vulavula hi tindzimi niku hlamusela tindzimi, kutani va nyikiwa tinyiko to hanyisa ni mahlori, kutani masingita ni swihlamariso swi sungula kufamba na vona. Sweswi i vana, i vana va Xikwembu. Va le xiyin'weni xa Kreste. Va vile vana hi ku Tswariwa. Kutani ku Tswariwa lokutshwa niku tihlamusela hi Koxe i Moya wo Kwetsima.

⁶⁷ A mi hundzukanga ku kondza mi kuma Moya wo Kwetsima. Sweswo hi leswi Matsalwa ya swi vuleke. Yesu u byele Petro, vutisa un'wana ni un'wana, hlayani Matsalwa ya n'wina, u vile la lulameke hi ku pfumela eka Hosi Yesu, a va mulandzeri, muapostola. Yesu u n'wi nyikile makhiya ya Mfumo. Kutani Yohana 17:17, U va kwetsimisile, a va nyika matimba, a va rhumela ehandle, niku hlongola mademona ni swin'wana, u va kwetsimisile. "Va kwetsimise, Tatana, eNtiyisweni wa Wena. Rito ra Wena hi wona Ntiyiso. Ndza tikwetsimisa Mina hikwalaho ka vona."

⁶⁸ Yalawa hi man'wana ya marito yo tsokombela lawa ndzi nga tshama ndzi ya twa. "Tatana, Ndza tikwetsimisa Mina hikwalaho ka vona." Xana maswitiva leswaku A ri ni nfanelo ya ku va ni muti? A ri munhu. Xana maswitiva leswaku hikokwalaho ka yini a ri ni nfanelo ya ku va ni nsati? A ri Wanuna. A ri ni nfanelo ya hinkwaswo swilo leswi, kambe U teri, "Tatana, Ndza tikwetsimisa Mina hikwalaho ka vona. Ndza tikwetsimisa Mina."

⁶⁹ Ndzi vulavurile ni muchumayeri lontsongo tolo, ndzi ya eku n'wi chumayileleni eka madyambu mantsongo man'wana ehenhla lahawani epatwini rale henhla. Kutani ndzi n'wi vutisile hi nchumu wun'wana, u teri, "Ina, Makwerhu Branham, kambe vunyingi bya vanhu va mina a va pfumeli eka sweswo."

Ndzi ku, "Hakanyingi hinkwavo ka vona i vativi va nawu xana?"

⁷⁰ "Ina." Makwerhu a va pfumeli eka sweswo. "Kambe," a ku, "hikokwalaho ka vona!" Oho, ndzi lavile ku haka nhamu ya yena. "Hikokwalaho ka vona, wa vona, ndza tikwetsimisa hikokwalaho ka vona."

⁷¹ Oho, Yesu a ri eku leteleni ka vavanuna va khume mbirhi, hi vavanuna lava khume mbirhi va ta yisa Evhangelu emisaveni hinkwayo. Kutani A ku, "Hikokwalaho ka vona Ndza ti kwetsimisa Mina." Ti endleni n'wina ku endlala vaakelani va n'wina, ku endlala un'wana. "Kambe ku ntshuxeka ka n'wina ku nga tshuki ku va xisirhelelo xa ku endlala swo biha," ku vule Paul, "kambe n'wina tikwetsimiseni!" Ti vekeneni eka vuakelani, tani hi Mukreste wa ntiyiso a faneleke ku swi endlala. A mavi tano mavulavulelo ya n'wina, loko mi hlanguka ni nala wa n'wina, tikwetsimiseni hi ku endlala yena, u nga switivi hambi kuri ku switiva leswi mi nga swi endlala.

⁷² Sweswi ku tshamisisa n'wana. Xosungula endzhaku kaloko n'wana a ngenile, u vile n'wana, kambe hi kuma leswaku mahanyelo ma yena hi wona ya n'wi endlala leswaku a endlala n'wana, hambi a ri ni mahanyelo lamanene kumbe a nga ri na wona.

⁷³ Kutani i—i pentekostal... Sweswi mi nge ndzi mi komba leswaku pentekosta a hi dinominexini. Xana i vangani va Baptist lahawani lava a va ri va Baptist, lava va amukeleke Moya wo Kwetsima, mi nge hi vona mavoko ya n'wina. Wa vona? Xana i vangani va Methodist lava nga lahawani lava amukeleke Moya wo Kwetsima, yimisani mavoko ya n'wina. Xana i vangani va Nazarene lahawani lava amukeleke Moya wo Kwetsima, yimisani mavoko ya n'wina. Presbyterian, lava amukeleke Moya wo Kwetsima? Wa vona? Lutheran? Tikereke tin'wana ta mavito, leti ti nga riki ta Pentekosta kahlekahle, leti ti welaka ehansi ka tikereke tin'wana ta mavito, ti nga amukela Moya wo Kwetsima, mi nge hi vona mavoko ya n'wina. Wa vona? Swingaleswi pentekosta a hi kereke ya vito, i ntokoto.

⁷⁴ Sweswi, Xikwembu xi mi tekerile eka Miri wa Krete. Xana Xi endlala yini xana? Endzhaku kaloko mi tikambisisile, mi tikwetsimisa hi mahanyelo lamanene, mi yingisela Moya wo Kwetsima, swi nga ri ni mhaka leswaku misava yi ri yini.

⁷⁵ Ndzi—ndzi ya eku swi suleni leswi swinene, wa vona, hikuva... a ndzi swivuli hikokwalaho ka kuva ni ri na

mona. A—a . . . nakombela mi nga—mi nga—mi nga swi endli hakunene, wa vona. Mi nga ehleketi leswaku ndzi—ndzi vula tano. A—a ndzi swilavi kuva tano. Leswi swi ndzi vilerisaka, i ku chumayelega vanhu Ntiyiso lowu rhumeriweke hi Xikwembu, kutani va ta hundzukela endzhaku va ya emahlweni ni ku endla swo fana, vatlhela va ku va ni Moya wo Kwetsima. Ntsena sweswo swi le kusuhi niku mi lovisa, wa vona. Xana mhaka i yini? Va tlhelela endzhaku va endla swo fana, ntsena tani hi vana va Israel, va lavile hosi leswaku hosi leyi yi ta va fuma niku va endla leswaku va va ni maendlelo yo fana ni ya va-Amor ni va-Amaleke ni va-Filista.

⁷⁶ Xana maswitiva, vamanana, leswaku ku ambala swileke swihoxekile xana? Maswitiva sweswo xana? Xana maswitiva leswaku swi hoxekile ku tsemeta misisi ya n'wina xana? Xana waswitiva leswaku swi hoxekile, nkulukumba, eka wena ku ya emahlweni niku dzaha ni maendlelo ya lawa u maendlaka? Xana wa switiva leswaku swi hoxekile loko u ngavi wanuna wa muti wa wena, nsati wa wena u tava ni ximbilwa—mbilwani kutani a ku hlongola u huma hi nyangwa kutani u ta ku, “Ina, a ku katekisiwi mbilu ya wena, murhandziwa, ndzi ta tlhela ndzi vuya xana?” Xana waswitiva . . . Xana u nga olova njhani eNdlwini ya Xikwembu loko wa ha tsandzeka ku hlayisa muti wa wena xana? Walowo i ntiyiso hakunene. Xana waswitiva, sesi, leswaku nuna wa wena a hi nuna wa wena ntsena, kambe i mufumi wa wena? Xikwembu xi vule tano. Hikuva wanuna a nga xisiwanga, i wansati loyi a nga xisiwa. Kutani n'wina vachumayeri mi ya emahlweni mi endla vavasati vafundhisi va tlhela va chumayela etikerekeni ta n'wina, mi ri karhi miswitiva leswaku Rito ra Xikwembu ra swi sola sweswo.

⁷⁷ Ma ha kala mi tirhisa vito ra “Tatana, N'wana ni Moya wo Kwetsima” loko mi khuvula, loko kuri hava ni xindhawani na xin'we xa swona eMatsalweni eBibeleni. Ndzi lava bishopo lonkulu kumbe un'wana ku ndzi komba laha un'wana eBibeleni a nga tshama a khuvula hi vito ra “Tatana, N'wana, Moya wo Kwetsima.” Ndzi lava un'wana a ndzi komba loyi a nga tshama a khuvuriwa hi ndlela yin'wana ehandle ka Vito ra Yesu. Kambe Yohana a nga . . . khuvulanga, vakhuvuriwile va rikarhi va pfumela leswaku U le ku teni, kambe va nga switivi leswaku hi Yena mani. Kambe hi ku hatlisa loko va tava va switekerile enhlokweni sweswo, va tile va ta khuvuriwa nakambe hi Vito ra Yesu Kreste. Ndzi lava un'wana ku . . . Ndzi—ndzi vutisile ma Assemblies of God, vachumayeri van'wana, va Baptist, Presbyterian, ni van'wana. Va tsandzekile, ku vulavula hi swona. Ndzi lava ku vona Matsalwa.

⁷⁸ Kutani swingaleswi ndza “fambula,” haa, kutani ndza “penga,” ndzi hlenganile nhloko, ndzi “wanuna wo penga,” ntsena hikokwaloho ka kuva ndzi ri eku ringeteni ka ku mi byela Ntiyiso? Sweswi, sweswo—sweswo i ku tshembheka,

vamakwerhu. Loko munhu a xavisiwile hikokwalaho ka mhaka ya Xikwembu, ma n'wi xavisa hi ku n'wi pfalerisa, ni nhundzu, ni mphongolo. Mi—mi—mi—mi ta—mi ta vekiwa etlhelo, mi ta—mi ta va swivumbiwa leswi hambaneke.

⁷⁹ Lavo tala va vitaniwile, vantsongo va lo hlawuriwa. Ina, vanhu vo tala va lo vitaniwa, mi kumile ku vitaniwa etimbilwini ta n'wina, "Ina, ndza pfumela leswaku Xikwembu xa ndzi rhandza. Ndza pfumela leswaku Xa swi endla."

⁸⁰ Kambe, makwerhu, leswaku, mi ta va lava lahlekeke swinene tani hi vunyingi bya vona, hikuva va tata hi siku rero, va ku, "Hosi, ndzi hlongorile madimona hi Vito ra Wena. Ndzi endlile xin'wana ni xin'wana hi Vito ra Wena. Ndzi vile ni swikhongelo leswi hanyisaka. Ndzi chumayerile Evhangelu. Ndzi hlongola madimona."

⁸¹ Kutani Yesu a ku, "Sukani lahawani, a Ndzi mi tivi hambi kuri ku mitiva, vatikukumuxi. Hi loyi a endleke ku rhandza ka Tatana wa Mina!" Xana hikokwalaho ka yini vanhu va nga swivoni xana? Sweswi, ndza switiva leswaku sweswo swa chukuchela. Kutani a ndzi—a ndzi vuli hi ku mi vavisa, a ndzi vuli leswaku swi hi ndlela yaleyo. Kambe, makwerhu, ndzi—ndzi...

⁸² Swilanguteka eka mina tani hiloko hi—hi ri enkarhini wa makumu, kutani Xikwembu xi le ku hlayiseni, xi hi tshamisisa exiyn'weni xa Kereke, eka Miri wa Krete, eka Yena. Sweswi, a ku ngevi vo tala lava A nga ta va veka kwalahaya, ndzi ta sungula hi ku mi byela swona. Mi ri, "Oho, kunene, ku tava ni nhlayo leyikulu swinene!" Kambe Xi ni ntsevu wa magidi ya malembe yo va humesela ehandle, na vona. Tsundzukani, loko ku pfuka ka vafi ku fika hi ta vutleriwa ehenhla na vona. Ntsena i vantsongo va vona, wa vona. Mi lavisisa ku ponisiwa ka n'wina, hi ku hatlisa. Tilangutani n'wina hi n'wexe niku vona leswaku hi kwihhi laha mi nga fambangiki hi ndlela leyinene. Wa vona? Wa vona leswaku ntsena—ntseni hi yona mhaka. Ndza switiva leswaku sweswo—sweswo swa nonohwa, kambe, makwerhu, i Ntiyiso. I Ntiyiso wa Xikwembu. Ku hlayisiwa!

⁸³ Hi tava tano endzilweni wa Xikwembu, hi ta famba nhlikanhi ni vusiku. A ku ni nchumu lexi nga hi sivelaka, kutani hi tava kahle hi va lava tsakisaka, hi va ni vunene ni mahanyelo yo fana ni ya Krete eka vutomi bya hina. Swi teka masiku hinkwawo ya vutomi bya hina. Yesu u teri, "Xiyisisani xiluva xa nsimu, leswi xi kurisaka xiswona, xa phasaphasana xithhela xi jika-jika; Ndzi vurisile ndzi ri ka n'wina Solomon ya loye eka ku kwetsima ka yena a ku nga fani ni ka un'wana." Solomon a ri ni nguvu leyo leha leyi a yi kwetsimisiwile hi siliki niku endlwa hi mavoko ni swin'wana, kambe sweswo—sweswo a nga...sweswo A nga vulavulanga ha swona.

Hi ku endlela leswaku xiluva xi kota ku kula, xi fanele ku phasaphasa nhlikanhi ni vusiku. Xana mi lava ku vuya na yini lahawani emakumu nyana ya ntila xana? Loko lavo lulama ku ponisiwile lava ntsongo, mudyohi u tava kwihi (hi loyi a nga pfumeriki) ni kuva a nga ri mukhongeri, munhu loyi a twaka Rito kutani a tiarisa ku famba hi Rona? Xana sweswi hi ya eku endleni ka yini? Wa vona? Sweswi hi leswaku. . .

⁸⁴ Leyi i, sweswi, leyi i kereke ya hina. Hi ni mune kumbe ntlhanu wa vamatiko exikarhi ka hina. Kambe leyi i kereke, ndzi le ku mi dyondziseni. Leswi swi tafamba ni tithepi. Ndzi lava vanhu lava yingiselaka tithepi, tsundzukani, leswi i swa kereke ya mina. Ehandle ka vanhu lava va nga ehandle halahaya, ndzi ringeta ku va njhingha leyi eneleke hi ku va byela sweswo, hi xifanekiso xa ku tshama laha n'wana a nga tava a ri eka miehleketo nyana ya vona yo wungula masi. Kambe loko swi ta eka ku andlala Ntiyiso, a hi Wu andlaleni.

⁸⁵ Ku hlayisiwa, ku tshamisiwa exiyin'weni! Xana vale kwihi? Ndzi kombeni laha va nga kona. Xikwembu xi le ku vitaneni ka vana va Xona etlhelo hi ku va vonakarisa. A va fanelanga ku vula hambu rito rin'we ha swona, mi vona swin'wana swi humelela. Exiyin'weni Xi tshamisisa n'wana wa Xona, xi n'wi kuma a ri hi ndlela ya kahle ntsena kufanana. Yena—yena ntsena u ni vurhangeri lebyikulu, marito ya yena ntsena lamanene ma tani hi ndhuna ya Ntsumi, hi ku antswa. N'wana u hlayisiwile, a vekwa endhawini ya le henhla, a tshamisa kwalahaya, a ncinca tinguvu ta yena, a ncinca muhlovo wa yena. Tatana u endlile nkhuvo, a ku, “Loyi i n'wananga, kusuka sweswi i mufumi. Hi Yena mulawuri. U le henhla ka ndzhaka hinkwayo ya mina. Hinkwaswo leswi ndzi nga na swona i swa yena.” Sweswo hi swona. Kutani hi nga ha tlhelela endzhaku eka swo fana na, Elah, Elah, Elohim, Elohim, wa vona, laha ku nga Xona xi ri xoxe. Kutani xi tlhela xi vuya tani hi Yehovha Loyi a endleke swilo, Xi nyikile munhu a fuma misava. Xana hi rindzerile yini xana? Ku vonakarisiwa. Misava yi le ku konyeni. A hi yeni ka yona hi ya yi hlaya. Swikahle.

. . .xi hi hlaurile. . .khale ku hi endla vana va xona. . . n'winyi, hi ku tirhandzela ka vunene bya Xona,

Ekuzu- . . .eku dzunisiweni ka tintswalo to kwetsima ta xona, . . .

⁸⁶ Xana i yini tintswalo ta Xona? Endzhaku ekusunguleni, loko Xi nga si va Tatana; tintswalo ta Xona, rirhandzu ra Xona, swi Xi endle n'wana, leswaku hi nga ha hlauriwa hi endlwa vana, eka ku dzunisiwa ka tintswalo ta Xona. Wa vona?

. . .leti hi endleke ha tona lava tsakisaka hi—hi (Munhu) murhandziwa, loyi a nga Kreste.

⁸⁷ Xana xi hi endle hi amukeleka njhani? Ha Yena. Xana hi nghena njhani eka Yena? Hi Moya wun'we, hinkwerhu hi khuvuleriwele eka Yena. Yingiselani.

Hi yena hi niku kutsuriwa, hi niku kutsuriwa (hi) ngati ya yena, ku nga ku rivaleriwa ka s-w-i-d-y-o-h-o. . .

⁸⁸ Xana u nga chumayela njhani hi ku hlawuriwa, eka Xikwembu hi ku xiximiwa niku tshamisisiwa, handle kaloko kuri ni ku rivaleriwa ka swidyoho kun'wana? Xana hikokwalaho ka yini swi ri tano? Siku rin'wana ni rin'wana mi endla xihoxo, siku rin'wana ni rin'wana mi endla leswo hoxeka. Kambe loko mi tswariwa nakambe, wanuna kumbe wansati, tani hiloko u endla xihoxo, Xikwembu xa switiva leswaku wa tisola eka swona. Mi ta yima emahlweni ka—ka Presidente Roosevelt kumbe un'wana, kutani mi ku, “Ndzi hoxile, Xikwembu a xi ndzi rivaleli eka swilo leswi.” Xana hikokwalaho ka yini? Kuveni ku ni laha Ngati yi nga endla ndzivalelano. . .

⁸⁹ Mi swi xiyisisile “s-w-i-d-y-o-h-o” sweswo. Mudyohi i mudyohi, a nga dyohi. Kambe kereke ya dyoha, ya endla swihoxo, yi va ni mianakanyo leyi hoxekeke, vuhlamuseri lebyi hoxekeke, ya endla mapfalo, ya rhurhumela kufana na n'wana lontsongo loko a deya, a ri eku ringeteni ka ku dyondza ku famba. Ntsena a nga swi koti ku famba kahle, hikuva wa ha ri xijahetana. Kambe hi ni Xandla lexi kotaka ku fikelela ehansi loko hi. . .hi kumiwa hi swilo leswi hi tshikelelaka, kutani hi ri, “Deya hi ndlela *leyi*, jaha.” A Xi swikoti ku hi fikelela niku hi phakata hikuva hi endlile xihoxo, Xi ngaka xi nga hi beli ku hi dlaya hikuva hi le ku ringeteni ka ku famba. Xa hi rhandza tani hiloko hi rhandza vana va hina.

⁹⁰ Papa, wa ntiyiso a ngaka a nga xupuli n'wana wa yena loko a ringeta ku famba, loko a wela ehansi. U korhamela ehansi hi voko ra matimba kutani a n'wi yimisa, a khoma mavoko ya yena hinkwawo, a ku, “Swi endlisiwa xileswi, jaha. Fambisa *xileswi*.”

⁹¹ Yaleyo hi yona ndlela leyi Xikwembu xi yi endlaka eka Kereke ya Xona! Xi korhamela ehansi xi fika xi n'wi khoma hi voko ra Xona, xi n'wi yimisa xi ku, “Fambisa xi *leswi*, jaha. Lahawani, mi nga—mi nga—mi nga swivuli hi ndlela yaleyo, swivuriseni xi *Leswi*. Sweswi, a ndzi na mhaka ni leswaku kereke yi vula yini, *leswi* swi ri, leswi *sweswo* swi swivulaka, mi swivula hi ndlela *Leyi*. Tani hi *Leswi*, leswi hi Swona! Loko Rito ra Mina ri chumayela Swona, tshamani na Rona, fambani hi Rona. Tshamani na Rona. Mi ngavi na mhaka ni leswi van'wana va swi vulaka, tshamani na Rona. Fambisani xi *Leswi*. Leyi hi yona ndlela leyi mi deyaka ha yona.”

⁹² Swidyoho swa hina; kutani ku rivaleriwa ka hina ku rhandza swidyoho swa hina, kumbe hiva hi ri hava xivhikelo. Xana hi nga nghena njhani eka Marito ya vona!

...kuya hi rifuwo ra tintswalo ta xona;

Leti xi—xi tateleke . . .

⁹³ Xana i yini “tateleke”? Oho, mina! Leti Xi *tateleke*, “laha ku nga ni nhulu leyikulu ya swona.”

...xi hi tateleke tona hi vutlharhi hinkwabyo niku ehleketa hinkwako;

⁹⁴ “Vutivi, vutlharhi hinkwabyo Xi byi tatile eka hina.” Hi “vutlharhi,” hinkwabyo, ku nga ri bya misava. Vutlharhi bya misava i vuphukuphuku eka Xona, kutani ni vutlharhi bya Xikwembu i vuphukuphuku eka misava. Ntsena tani hi nhlikanhi ni vusiku, xin’wana xi ngaka xi nga pfumelelani ni xin’wana. Kambe loko dyambu ri sungula ku huma kutani nhlikanhi wu ta, vusiku bya hangalaka ni tindhawu hinkwato. Kutani loko Rivoni ra Evhangelu ri sungula ku nghena, hinkwaswo swilo swa misava swi sungula ku nyamalala. Kutani xana ri endla yini? Xi tata ku Vonakala ehenhleri ka vana va Xona, va famba eMoyeni, va rhangeriwaka hi Moya wa Xikwembu, va tatiwa etintswalwini ta Xona, hi vutlhari hinkwako ni ku tlhariha, niku twisisa, ni mano ya ku tiva ku famba. Maswivona leswaku swi hoxekile, kutani ti languteleni eka leswi mi swi endlaka, leswi mi . . . Loko swi hoxekile, tilanguteleni hambi kuri hi manghenelo ya n’wina. Vutivi! Vanani ekusuhi swinene, mi va ni ntiyiso wa leswaku mi tiva manghenelo ya swona. Tlharhani tani hi nyoka, mi va lavo rhula ku kotisa tuva. Sweswo hi leswi Yesu a swi vuleke.

⁹⁵ Oho, leswi kova mabuwa lawa ya khwaxaka, vanghana! Ntsena hi nga tshama masiku hi nkwawo. Xana a hi lava nene xana? Vutivi, vutlharhi, Xi hi tatile eka byona, xi hi chululela byona! Ku nga ri ku hi nyika hi lepula leri taleke, kambe ku hi chefulela hi foxolo hi ndlela yaleyo. Xi hi tata eka byona, vutlharhi ni vutivi bya tintswalo ta Xona! Oho, tintswalo leti hlamarisaka, mpfumawulo wa kona wu nandzika njhani!

Sweswi, leti xi hi tateleke tona hi vutlharhi hinkwabyo . . . niku ehleketa hinkwako;

Xi hi tivisile xihundla xa ku rhandza ka xona, . . .

⁹⁶ Xana Xi vulavula na va mani? Tidinominexini? Ndza mi kombela, vamakwerhu va mina, mi nga ehleketi leswaku ndzi le ku yiseni ka dinominexini ya n’wina ehansi, a ndzi endlitano. Ndzi le ku ringeteni ka ku mi byela leswaku yi hoxekile kusukela ekusunguleni. Yesu u teri, “Fambani mi ya chumayela Evhangelu,” hi yile hi ya endla tidinominexini. Xexo hi xona xivangelo xa kuva hi nga ri na Wona, hi famba hi vutlharhi bya vanhu. Loko Calvin a nga pfuka!

⁹⁷ Hikokwalaho ka yini, ku nga ri khale ngopfu ndzi yimile esirheni ra wanuna un’wana lonkulu, murhifoma lonkulu. Kutani ndzi ehleketa, hilaha a ri wanuna lonkulu hakona! A ri

tano! Kunene, i . . . A ndzi nge swikoti . . . A kuri John Wesley. Kutani ndzi ehleketa, loko John Wesley a nga pfuka eka sirha leri namuntlha kutani a vona xiyimo xa kereke ya yena, a nga va ni tingana hi vito ra yena. John Wesley a ri wanuna loyi a khongela, loyi a khoma kala ra ndzilo, tani hilaha a swivuriseke xiswona. John Wesley a ri wanuna la kwetsimeke loyi a pfumela eka Xikwembu, a Xi landzelela eka goza rin'wana ni rin'wana. Kambe endzhaku kaloko John a tava a lovile, va teri, "Hi ta endlela John kereke kutani hi tava ni kereke, kutani hi ta yi thya kereke ya Methodist hikokwalaho ka methodo wa yena wa ku kwetsimisa ya ngava ntirho wa vumbirhi wa tintswalu."

⁹⁸ Kutani va endlile kereke, kutani namuntlha vanhu va kereke ya leyo va landzula xin'wana ni xin'wana lexi John Wesley a nga xiyimela. John Wesley u chumayerile hi Matimba yo hanyisa. John Wesley a pfumela eka nkhuvo wa Moya. John Wesley a pfumela eka ku vuyelerisiwa ka tinyiko hinkwato. John Wesley, Martin Luther, vuningi bya vavanuna lava lavakulu a va vulavula hi tindzimi ni ku tihlamusela. Kutani, namuntlha, loko mo vulavula hi tindzimi eka kereke ya Methodist kumbe eka kereke ya Lutheran, va ta mi raha mi huma hi nyangwa. Xana ku humelela yini? Hi nkarhi lowu a hi fanele ku tshamisisa vana, xana ku humelela yini? Va tekelerile swin'wana, hikuva a va xitivi xihundla xa Xikwembu. Nakona a va nge Xi tivi hi tiseminara!

⁹⁹ Ntsena mi nge ndzi hlala swin'wana lahawani. Xana a hi swona xana? Swikahle. A hi pfuleni, ndzi ni swin'wana leswi nga tsariwa lahawani. A hi voneni leswaku Paul . . . Sweswi, lahawani, hi loyi mudyondzisi wa Hungu leri. A hi yeni eka Mintirho 9:5, ntsena xinkadyana. [Xivati lexi nga riki na nchumu eka thepi—Muhleri.] Mi nge ndzi switiva loko ndzi ri ehandle ka . . . ? . . .

Kambe Saul, hikuva a ha ri ni mahika ya ku songela . . . (Oho, nhompfu yaleyo ya xinjovo, wa ximbilwambilwana, swivula mu-Yuda!) . . . ku dlaya vadyondzisiwa va Hosi, a ya ka muprista lonkulu,

A kombela eka yena mapapila lama tsariweke masinagoga ya Damaska, leswaku loko a kuma van'wana . . .

¹⁰⁰ "Ndzi ta gonya ndzi ya va languta! Loko ntsena ndzi nga va kuma, mufana, leswi ndzi nga ta va endla swona! Wa vona, loko ntsena ndzi nga va kuma!" Kambe a hlawuriwile!

¹⁰¹ Xana mi switiva njhani leswaku xilovekelo xa khale a xi hlawuriwanga kuya eka Vutomi? Xana mi switiva njhani leswaku mufambi wa xitarata wa khale loyi mi nga n'wi hlamuleki hambu kuri ku n'wi hlamula, xana mi switiva njhani leswaku ku tlhavulana kwaloko kuntsongo ni ku n'wi rhamba

ekerekeni a swi n'wi endli mukwetsimi wa Xikwembu loyi a humaka eka yena, lahaya eVukwetsimeleni? Loko... Xana mi switiva njhani leswaku a hi mukwetsimi xana? Sweswo hi leswi hi nga swi tiveki. Kambe walowo i ntirho wa hina. Tani hi muphasi wa tinhlampfi a hoxaka ritavala ra yena elwandle kutani a tlhela a ri humesela ehandle, a humesa swidula, tinhlampfi, minkwahle, mapume yale matini, ni swin'wana, kambe swin'wana swa swona a swi ri tinhlampfi. A nga swi tivanga, ntsena u lo hoxa ritavala. Sweswo hi leswi hi swiendlaka. Langutani Paul.

...a kombela eka yena mapapila lama tsariweke masinagoga ya Damaska, leswaku loko a kuma van'wana va dyondzo yaleyo, hambu va ri vavanuna kumbe vavasati, a va yisa Yerusalema va bohiwile. (Makwerhu, a ri wa tihanyi hakunene!)

A ku a ha famba, a ri kusuhi na Damaska: ku vonakala loku taku hi le tilweni ku n'wi rhendzela...

¹⁰² Hiloko ku humelela muprista endleleni, Dokodela F.F. Jones, kutani a ku eka yena, "U lava ntokoto wa—va vuseminara sweswi, jaha, kutani ndza pfumela leswaku Xikwembu xi nga ku tirhisa"? Xana lero a hi Tsalwa leri langutekaka ri chavisa, ku ri hlayisa xisweswo xana? Sweswi, ntsena sweswo swi tani hiloko swi ri ni mongo... a ndzi swivuli leswaku swi va fenywa. Sweswo hiloko, hina, sweswo ntsena switwakala ngopfu tani hi leswi hi swikumaka namuntlha. "Wa switiva, leswaku manana wa wena a ri manana wa kahle, ndza pfumela leswaku u tava muchumayeri wa kahle." Langutani leswi humeleleke.

A ku—a ku a ha famba, a ri ekusuhi na Damaska: hi xitshuketa ku vonakala ku n'wi rendzela, ku vonakala...(heyi, ku sungula leswi nga ehenhla ka ntumbuluko)...ku vonakala loku humaka etilweni:

Kutani a wa ehansi, a twa rito leri nge ka yena... Saul, Saul, u ndzi xanisela yini?

Kutani a ku, U mani, Hosi? Hosi yi ku eka yena, Hi mina Yesu loyi u n'wi xanisaka: swa nonohwa eka wena ku khadlanya risungunu.

Kutani hi ku rhurhumela niku thukwa a ku, Hosi, u ndzi endla yini...xana? Hosi yi ku ka yena, Pfuka, u nghena mutini, kutani u ta byeriwa kona leswi u faneleke ku swi endla.

¹⁰³ Kutani vavanuna va fambile na yena, va ya emahlweni, kutani va kumile wanuna. Anania, lahaya ehansi, u vonile xivono. Hinkwaswo swa leswi nga ehenhla ka ntumbuluko! Kutani Saul wa khale, munhu ya loye ku uuriwaka yena wa khale! Anania loyi u vonile xivono, u langutile endlwini ya yena.

A ri muprofeta, a ri eku khongeleni endlwini ya yena, kutani u vonile xivono. Yena . . . Hosi yi vulavurile na yena kutani yi ku, “Ku ni wanuna loyi a taka hi ndlela leyi nga halahaya, ntsena a nga voni tani hi mangedyana, kutani vito ra yena i Saul, i Saul wa Tarsa.”

¹⁰⁴ U teri, “Hosi, ndzi twile swilo leswikulu. U nga ndzi rhumi, ndza ha ri wanuna lontsongo. U nga ndzi rhumi eka yena.”

¹⁰⁵ A ku, “Kambe, vonani, endleleni ya yena, Ndzi n’wi kombile xivono. Ndzi humelerile eka yena tani hi Langavi ra Ndzilo. Ndzi n’wi bile a va bofu tani hi laha a ngava ha kona. Kutani a Ndzi fanerile ku n’wi endla bofu niku n’wi hirimuxa Ndzi nga si n’wi endla nchumu. Wa vona, a Ndzi fanele ku hirimuxa ntivo-vukhongereri hinkwabyo bya yena. Maswitiva, a ri—a ri—a ri un’wana wa va nakulorhi lonkulu wa tikereke kwalahaya. A ri ni tinxaka hinkwato ta tidigri, a nga kali a lava ku tsundzuxiwa ha nchumu, kambe,” U teri, “leswi a Ndzi fanele ku swi endla a kuri kususa hinkwaswo leswi a swi ri eka yena.”

¹⁰⁶ Sweswo a swi ri swona. A ku nga ri ku kuma swotala eka yena, kambe ku swi susa swi suka eka yena. Ndzi ehleketa leswaku yaleyo hi yona mhaka namuntlha leyi yi nga ni vunyingi bya va fundhisi; va mi tekela, laha Xikwembu xi nga va nghenisaka Moya wo Kwetsima. Va vatekela! Kwalahaya, u teri u . . .

¹⁰⁷ Kutani a ku, “Hosi, kambe wanuna loyi—loyi—loyi i wanuna la chavisaka.”

¹⁰⁸ A ku, “Kambe, vonani, wa khongela. Sweswi, u taya exitarateni xin’wana kutani u ta fika u kuma xihlovo. U ta hundza exihlobyeni xexo hi le ximatsini, kutani u ya enkoveni. Kutava ni yindlu yo basa, famba u ya gongondza erivantini. Ntsena u ti etlelerile kwalahaya eholweni, sweswo swi tani hiloko va tshame va n’wi kuma. N’wi tlhandlekeni mavoko, mi n’wi teka mi n’wi yisa enambyeni wa Damaska kutani mi fika mi n’wi khuvula hi Vito ra Yesu. Hikuva, Ndzi ku byela leswi Ndzi yaka eku swi endleni, u ta xaniseka hi swilo swo tala a xanisekela Mina, hikuva i murhumiwa wa Mina eka Vamatiko.” Amen!

¹⁰⁹ “Kunene, sweswi, yima nyana, Hosi! Sweswi, xana i xikolo xihi lexi ndzi nga tsundzuxiwaka eka xona?” Ndzi ta mi byela leswi hi nga ta swi endla, a hi hlaleni va-Galatiya hi ta kumisisa. Ntsena ndzimana leyi—leyi landzelaka leyi nga endzhaku. A hi kumeni va-Galatiya 1, kutani hi sungula hi vheshe ya vu10, kutani a hi voneni xikolo lexi Paul a yeke eka xona, eka seminara yihi, kutani hi vona leswaku i mavoko ya vamanani lama a ma n’wi tlhandlekile, kutani, oho, hinkwaswo leswi swi humeleleke. Va-Galatiya papila ra vu1. Hi ku hlaleni nkarhi, a hi sunguleni hi ku hundzuka ka yena, vheshe ya vu10.

Hikuva ndzi ri xana ndzi lava ku nkhenziwa hi vanhu, kumbe hi Xikwembu xana? kumbe xana ndzi rhandza ku tsakisa vanhu ke? kasi loko ndzi rhandza ku tsakisa vanhu, ingi ndzi nga ri nandza wa Kreste.

¹¹⁰ Oho, mina, mina, mina! Mi nge ndzi vula swin'wana swintsongo ndzi nga se vula leswi lahawani. Va-Galatiya 1, kumani papila ra vu8. I vangani lava swi tivaka leswaku Paul hi un'wana loyi a endleke leswaku vanhu va khuvuriwa nakambe hi Vito ra Yesu, Mintirho 19? U swi endlile hakunene. A hi tekeni leyi ntsongo lahawani, ya vu8—vu8 vheshe.

...hambi ku nga va hina, hambu yi ve ntsumi ya le tilweni, leyi nga mi dyondzisaka evhangelu yin'wana eka leyi hi nga mi dyondzisa yona, a yi ve anatema.

¹¹¹ Xana hi kwihi laha u kumeke Evhangelu leyi, Paul? Vheshe ya vu9.

...hilaha hi nga rhanga hi mi byela, ni sweswi ndza ha vurisa sweswo, loko un'wana a mi byela Evhangelu yin'wana e ka leyi mi yi tweke, amukeleke, a ve anatema.

¹¹² Loko a ri ndhuna ya ntsumi, loko a ri bishopo, loko a ri muangameri lonkulu, loko a ri Dokodela *So-na-so*, hambu a ngava a ri yini, loko a nga chumayeli nkhuvo wa mati hi Vito ra Yesu Kreste, ni nkhuvo wa Moya wo Kwetsima, a nga chumayeli hi ku vuyelerisiwa ka tinyiko, ku Vuya ka Kreste, hinkwaswo swilo leswi, a rhukaniwi! Loko a ringeta ku teka swin'wana eka Rito lahawani kutani a ku i swa siku rin'wana niku swi veka eka miehleketo yin'wana yintshwa ya madanselo leyi hi yi dyondzeke eka seminara yin'wana, a rhukaniwi!

¹¹³ A hi hlayeni ku ya emahlweni, hi vona hilaha Paul a swi kumeke ha kona, hi vona hilaha, ndzi ringetaka ku mi hlamusela mixo lowu.

Hikuva ndzi ri xana ni lava ku nkhenziwa hi vanhu, kumbe hi Xikwembu xana? kumbe xana ndzi rhandza ku tsakisa vanhu ke? kasi loko ndzi rhandza ku tsakisa vanhu, ingi ndzi nga ri nandza wa Kreste.

¹¹⁴ Xana ndzi nga langutela swin'wana njhani, xana swi nga endlekisa ku yini eka munhu loyi a rhandzaka Xikwembu, kutani a ri muchumayeri, ngopfu-ngopfu, a langutele leswaku a nga endla swin'wana kambe a vengiwa hi vanhu? Vanhu va ta mi venga. Kunene, va teri... Yesu u teri, "Loko va Ndzi vula, N'wini wa yindlu... Ndzi N'wini, lonkulu wa n'wina hinkwerhu. Ndzi Un'wana loyi a nga endlaka mahlori layo tala ni ku endla swo tala hi Moya wo Kwetsima ku tlula hinkwerhu ka n'wina, hikuva Ndzi ni ku hetiseka hinkwako eka Mina. Loko va ha Ndzi vitanile 'Beelzebub,' xana hi swihi swo tala leswi n'wina va nga ta mi vitana swona? Kambe,"

a ku, “mi nga kali mi va ni miehleketo ya leswi mi nga swi vulaka, hikuva kutava ku nga ri n’wina mi vulavulaka, ku tava kuri Tatana loyi a tshamaka eka n’wina, a vulavulaka hi nkarhi walowo. Ntsena tshamani eRitweni.” Kutani Yena, loko A ya emahlweni niku tsala Buku, U teri, “Munhu un’wana ni un’wana loyi a nga ta susa Rito rin’we eka Buku leyi kumbe a engetela rito rin’we eka Yona, leswi fanaka swi ta susiwa eka Buku ya Vutomi, eka yena.” Xikwembu a xi hi pfuni ku tshama kahle na Rona!

¹¹⁵ Sweswi vhesa leyi landzelaka, mi nge ndzi yi hlaya sweswi, ndzi yi hlaya hi ku hatlisa sweswi.

Kutani ndza mi tivisa . . . Leswaku, swi ta mi yisa eku avanyisiweni, ndza mi tivisa, vamakwerhu, leswaku evhangelileyi ndzi mi byeleke yona a yi humi eka vanhu.

Sweswi, ndzi nga hava mu-Methodist, Baptist, Presbyterian, kumbe Pentekostal; a yi humi eka vanhu. Na un’we . . .

Hikuva a ndzi yi amukelanga ka munhu, hambi kuri ku yi dyondzisa hi munhu, . . .

¹¹⁶ “A ndzi kalanga ndzi yi amukela eka munhu, ni ka seminara, ni ka dokodela, ni ka matimba, ni ka xikolo xa dyondzo. A ndzi kalanga ndzi yi amukela hi ndlela yaleyo, a ndzi kalanga ndzi dyondzisiwa hi ndlela yaleyo, a ndzi kalanga ndzi yi kuma hi ndlela yaleyo, a yi kalanga yi ta eka mina hi ndlela yaleyo.” Xana yi te njhani, Paul?

. . . ku yi dyondzisa hi munhu, kambe ndzi hlavuteriwe yona hi Yesu Krete.

¹¹⁷ “Loko Krete a tihlavuterile hi Yexe eka mina, leswaku A ri N’wana wa Xikwembu, loko Langavi lero ra Ndzilo ri tava ri werile ehenhla ka mina hi siku lero, ndzi teri, ‘Xana hi Wena mani, Hosi?’ U teri, ‘Ndzi Yesu.’”

¹¹⁸ Sweswi, ndzi ya eku mi kombeni leswi—leswi n’wi humeleleke. Sweswi, sweswi loko nakulorhi a ri ni ntokoto, va lavile ku n’wi nyika khume ra malembe leswaku a dyondza Xigriki, ni man’wana malembe ya khume yo tlhandlekela yo dyondza swin’wana, kutani hi nkarhi walowo a fambile. Langutani.

. . . hikuva a ndzi yi amukelanga ka munhu, hambi ku ri ku dyondzisiwa hi munhu, kambe ndzi hlavuteriwile yona hi Yesu Krete.

Hikuva mi twile mahanyelo ya mina ya khale loko ndza ha ri vu-Yudeni, . . .

¹¹⁹ “A ndzi ri dokodela lonkulu, mufana. A ndzi ri na byona.” U dyondzisiwile ehansi ka Gamaliel, mudyondzisi lonkulu loyi a va ri na yena etikweni. Xana i vangani lava va swi tivaka

leswaku Gamaliel a ri un'wana wa lava kulu, vadyondzisi lava kulu? Ina, nkulukumba. "Vukhongeri bya mina bya xi-Yuda, mufana, ndzi na byona; ndzi tiva hinkwaswo leswi ndzi nga swi vulaka hi Tidyondzo leto hambuka ta Vaapostola ni swilo hinkwaswo, maswivona. Ndzi tiva leswi ndzi nga swi vulaka hi swikhongelo swa ni mixo niku katekisa vanhu." Wa vona?

...hilaha ndzi nga xanisa kereke ya Xikwembu, hi ku kariha lokunghasi: Hilaha ndzi yimiseke ha kona vakwetsimi lava vumbulukaka! Wa vona? Wa vona?

A ndzi ri emahlweni ka vona etimhakeni ta vu-Yuda...

¹²⁰ "A ndzi ri munhu lonkulu. Mufana, a ndzi ri tano...ndzi ri emahlweni, ndzi va kombile leswaku ndzi nga va khandlela ehansi, hikuva ndzi dlayile Stefano ni hinkwaswo ka swona ndzi swi endlile. Vonani hilaha ndzi swi endleke ha kona!" Hilaha mpimo wa ku xanisa a wu ri ha kona!

A ndzi ri emahlweni ka vona etimhakeni ta vu-Yuda etikweni ra mina, hi ku hisekela mikhuva ya vatata wa vona.

¹²¹ Sweswi, tsundzukani, ku nga ri Rito ra Xikwembu, "mikhuva ya vatatana," mikhuva ya kereke, hi marito man'wana. "Ndza vhumbha leswaku a ndzi ri mu-Methodist exikarhi, a ndzi ri mu-Baptist exikarhi, a ndzi ri mu-Pentekostal exikarhi." Oho, mi tano? Ndzi lava ku va Xikwembu exikarhi. Ina, sweswo hi swona. Wa vona? Swikahle.

...mikhuva ya vatata wa hina.

Kambe siku swi tsakiseke Xikwembu,...(oho, oho, Paul, lahawani wa ta)...lexi nga ndzi hlawula ndza ha ri khwirini ra manana, lexi xi ndzi tiseke laha misaveni leyi, xi va xi ndzi vitana hi tintswalo ta xona,

Ku ndzi pfuletela N'wana wa xona,...

¹²² Xana swi endleke njhani sweswo? "Hi Moya wo Kwetsima lowu nga ka mina! Swi tsakisile Xikwembu kuva xi ndzi teka, lexi xi ndzi hlawuleke ndza ha ri khwirini, kutani xi ndzi nyika N'wana, loyi a nga Moya wo Kwetsima hi xivumbeko xa Moya, eka mina, ku tihlavutela hi Yexe eka mina." Oho, mina! Heyi! Ndza—ndza—ndza pfumela leswaku ndzi lava ku huwelela nyana.

¹²³ Langutani, mi nge ndzi mibyela, makwerhu. Loko swi tsakisile Xikwembu! Oho, haleluya! Loko swi tsakisile Xikwembu! Hi tatana wa xidakwa. Manana...Xikwembu a xi ku katekisi, mhani, a ndzi vuli nchumu lexi lwisanaka na wena. Kambe manana loyi a nga tiviki ngopfu hi Xikwembu kufana ni mpfundla lowu tivaka tintanghu ta gamboko. Kutani ni tatana loyi a pyopyiwaka a etlelaka eswitarateni. Kutani ndzi ri hava hambu tintanghu tinene to ya exikolweni, ni misisi

leyo leha enhan'wini ya mina, kutani un'wana ni un'wana a ndzi venga hikuva a ndzi ri mu-Kentucky wa lahawani Indiana. Kutani ni leswi, oho, ntsena a swi languteka swi nuhwa. Kambe swi tsakisile Xikwembu! Amen! Swi tsakisile Xikwembu, Lexi xi ndzi hlawuleke ndza ha ri ekhwirini ra manana wa mina, leswaku Xi nga ha hlawutela N'wana wa Xona eka mina, hi ku ndzi endla muvuli wa Rito, leswaku ndzi ta tshama eka Rona hakunene, leswaku xi nga ha kombeta swivono na swihlamariso ni mahlori. Kutani, oho, mina!

¹²⁴ Xana maswivona leswi a Xi vulavula hi swona? Swi tsakisile Xikwembu ku endla sweswo! Njhani? Yingiselani swinene. "Ku nk- . . ." A hi tekeni vheshe ya vu16 sweswi.

Ekwi ndzi pfuletela N'wana, leswaku ndzi ya n'wi vula exikarhi ka vamatiko; a ndzi vutisanga kereke:

¹²⁵ "A ndzi kalanga ndzi ya eka bishopo un'wana ku ya n'wi vutisa leswi ndzi faneleke ku swi endla. A ndzi kalanga ndzi ya eka nyama ni ngati, eka vandla rin'wana kumbe swin'wana. A ndzi kalanga ndzi va ni swin'wana leswi ndzi nga swi endlaka na vona. A ndzi kalanga ndzi vutisa nyama ni ngati. Hambi kuri kuya eYerusalem eka vaprista lava kulu lavo kwetsima ni vatatana lava kwetsimaka, ni hinkwavo valavo, kutani ndzi teri, 'Sweswi, maswitiva, ndzi vile ni xivono, xana a ndzi fanele ku endla yini hi xona? Ndzi vonile Hosi Yesu loyi a katekeke eka xivono.' Va teri, 'Huma lahawani, wena! Xana . . . N'wina vavumbuluki lava kwetsimaka! Kunene, xana ku humelele yini hi n'wina?' Ee, ndzi na tona tidigri ta vona hinkwato. Va nga na tona . . ."

¹²⁶ Kutani Paul u teri lahawani, ndzi ta mi komba eMatsalweni, leswaku u teri u fanele ku rivala hinkwaswo leswi a swi dyondzeke, kutani a swi hlaya swi nga ri nchumu, leswaku a ta kota ku tiva Krete. Oho!

A ndzi tlhelelanga Yerusalem eka vaapostola lava nga vo rhanga eka mina; kambe ndzi hatlisile ndzi tiyela Arabia, ndzi vuya ndzi tlhelela Damaska.

Kute ku heleni ka lembe ra vunharhu ku va kona ndzi tlhandlukelaka Yerusalem ku ya tivana na Petro, kutani ndzi tshame ka yena masiku ya khume ntlhanu.

¹²⁷ Kutani tani hiloko hi hlaya hi ya emahlweni, hi kuma leswaku yena ni muapostola Petro a va kalanga va nga vonana evuton'wini bya vona, a va kalanga va tivana, a va kalanga va vonana, kambe loko va hlangana swin'we a va chumayela Evhangelu yin'we. Xikwembu xi na xikolo. Wa vona? Ina!

¹²⁸ Hi loyi Petro lahawani, a yimeke hi Siku ra Pentekosta, a ku, "Hundzukani, un'wana ni un'wana wa n'wina, mi khuvuriwa hi Vito ra Yesu Krete, eku khomeriweni ka swidyoho swa n'wina, mi ta amukela nyiko ya Moya wo Kwetsima."

¹²⁹ Filipi u teri, “Oho, leswi swi kwetsima njhani! Ndzi fanele ku endla swin’wana na mina. Ehansi e...ndzi kumekile ndzi vitaniwa eSamariya.” Ndzi yile kwalahaya ndzi va vula vumbhoni exitarateni. Xo sungula, munhu loyi a vabyaka u tile, ndzi n’wi tlhandleka mavoko, kutani u sungurile ku tlula-tlula niku khana. A ku, “Ku kwetsima a kuve ka Xikwembu, hi hina lava!” Hi sungurile ku va ni nhlengeletano leyikulu. U teri, “Hinkwenu mi lava Moya wo Kwetsima.” A ku, “Leswi mi faneleke ku swi endla, mi fanele ku khuvuriwa hi Vito ra Yesu.” Swingaleswi u va tekile, un’wana ni un’wana wa vona, kwalahaya kutani a va khuvula hinkwavo hi Vito ra Yesu. A ku, “Tana, Petro, va tlhandleki mavoko sweswi.” Kutani va kumile Moya wo Kwetsima.

Petro, ehenhla endlwni ya Kornelio, u endlile swo fana.

¹³⁰ Paul a nga kalanga a n’wi vona kumbe ku twa swin’wana ha yena. Kambe u hundzile hi tlhelo ra le henhla ra Efesa, ku te loko a kumile vadyondzisiwa van’wana. U kumile muchumayeri wa mu-Baptist, a ri, Apolos, qgweta leri hundzukeke, ra malwandla, ro tlhariha, leri ri tekaka Testamente ya Khale kutani a kambisisa ha Yona leswaku Yesu a ri N’wana wa Xikwembu. Ina, nkulukumba, a ri wanuna wa malwandla. Kutani a va ri eku huweleleni, va ri ni ntsako. Bibeke yi vule tano. Hlayani papila ra vu18 ni ra vu19 ra Mintirho kutani mivona loko swi nga ri swona. A va ri ni ntsako, a va ri eku cineni eMoyeni, niku tsutsuma-tsutsuma hinkwako, maswitiva. Paul u teri, “Xana mikale mi amukela Moya wo Kwetsima siku mi pfumeleke xana?”

¹³¹ Kutani eka n’wina vamakwerhu va Baptist n’wina lava mi ringetaka ku tsemelela minkolo ya vanhu, kutani mi ku Xigriki xa ntiyiso xi teri, “Xana mi kale mi amukela Moya wo Kwetsima kusukela, kumbe *loko* mi tava mi pfumerile?” Ndza mi ntlhontlha leswaku mi ndzi tisela Xigriki! Ndzi ni Xigriki xa ntiyiso lexi ndzi nga xikhoma. Ndzi tlhela ndzi va na ya xi-Aramatiki, ni ya xi-Heveru, na yona. Yin’wana ni yin’wana yi ri, “Xana mi kale mi amukela Moya wo Kwetsima *kusukela* loko mi tava mi pfumerile xana?”

¹³² Hi ripfumelo mi ponisiwile, rero i ripfumelo ra n’wina eka Xikwembu. Ngati ya mi basisa eka vudyoho, hikuva yi endla gandzelo. Ngati a yi mi ponisi, Ngati ya mi basisa. Xana mi vula njhani leswaku mi ponisiwile? Hi ripfumelo mi ponisiwile, kutani sweswo hi vutivi bya Xikwembu, ku mi vitana. Mi ponisiwile, kutani Ngati yi endla ndzivalelano, yi tshama yi ri karhi yi mi endla lava baseke. Kutani hi Moya wu ri wun’we mi khuvuleriwile eka Moya wo Kwetsima, eka xinakulobye xa vapfumeri, ni le ka xinakulobye xa Moya wo Kwetsima, leswaku mi rhangeriwa hi Moya, mi endla masingita, ni swihlamariso.

¹³³ Yimani, hi ya emahlweni, hi rindzela swin'wana, ntsena hi swi kuma nyana, ndza tshembha leswaku hi ta swi endla hi ndlela yin'wana. Ndzi mi byerile leswaku mi ndzi vitana hi nkarhi lowu, a hiswona xana? Ntsena swi kumekile xisweswo loko ndzi swi languta. Ntsena—ntsena rito rin'we kumbe mambirhi. Ntsena . . . I—i swintsongo nyana swo tala.

¹³⁴ Xana ku ponisiwa loku ku teka nkarhi wo tani hikwihi, kufikela rini? Xana i ku ponisiwa ka muxaka muni? I kusuka eka kereke yin'wana ku ya eka yin'wana xana? Kusuka . . . A hi pfuleni eka va-Heveru 9:11, ntsena xinkadyana, ntsena—ntsena ku languta hi vona leswaku ku teka nkama wo tani hikwihi, ntsena xinkadyana. Pfulani eka Buku ya va-Heberu kutani hi—hi vona leswaku ku ponisiwa loku ku teka nkama wo tani hikwihi. Hi vona leswaku i muxaka muni wa ku ponisiwa. A hi yi hlaleni sweswi va-Heveru 9:11.

Kambe Kreste loko a humelele a ri muprista lonkulu wa swilo swo saseka leswi nga tata, a tsemakanyile tabernakele leyi ttherisaka hi vukulu niku hetiseka, leyi nga endliwangiki hi mavoko, leyi nga riki, . . . (sweswi loyi ka hari mudyondzisi un'we, Paul, wa vona) . . . leyi nga riki ya misava . . . ya misava leyi,

Ku nga ri ya swiphongo ni ya marhole, kambe hi ngati ya yena ya xiviri u nghanile kan'we swi kwetsimisiwile (xana u nghanile kangani? Kan'we!) swikwetsimisiwile, kutani u kumile . . . (ku ponisiwa ka vhiki, ku ponisiwa ka mpfuxelelo lowu landzelaka? Xana i ka muxakamuni?) . . . ku kutsuriwa loko nga heriki ka hina.

¹³⁵ Xana rito “Heriki” ri vula yini xana? Eka Kreste, endzhaku ka loko ndzi tava ndzi pfumerile . . . A ku ni munhu loyi a nga vulaka Yesu, “Kreste,” ntsena hi Moya wo Kwetsima. Swingaleswi ku ni tinxaka tinharhu ta vanhu: lava nga pfumeriki, wa ripfumelo ro ti endlisa, ni vapfumeri. Kambe eka vona lava nga pfumela eka Vutomi lebyi nga Heriki, va nghanile etihubeni.

¹³⁶ Ku teka tabernakele ya khale, xana hi xixi xo sungula va xi endleke? Va nghanile etihubeni, Vamatiko. Lexi landzelaka a kuri altari ya koporo, laha va nhlantsweke switlhavelo exhibeni xa nsuku. Lexi landzelaka a kuri ku dlaya xitlhavelo, ni ku haxeka ka ngati ehenhla ka altari. Kutani, kan'we hi lembe, Aroni u totiwile, oho, (hi yini?) hi murhi wa risuna wa Xiluva xa Saroni, ni mafurha yo saseka lama nga ni risuna eka wona, va ma cherile enhlokweni ya yena, ma khuluka ku ya ehansi ka makumu ya nguvu ya yena. Langutani leswaku wanuna loyi a ta famba njhani endzhaku ka khethenisi ra vona, kan'we hi lembe, ku tshamile emahlweni ka yena Xitshamo xa Ntwela vusiwani. Kutani u teka nhonga ya yena hi lembe rin'we a tlhela a yi rivala. Loko va tlhela endzhaku eka yona, yiva yi hlukile yi tlhela yi

bloma. Nhonga ya khale leyi a yi vekeke kumbe kwalomu ka malembe ya makume mune emananga, yi vekiwile eNdhawini ya leyo yo Kwetsima! Langutani, loko vona va teka ngati ya leyo ya ntwanano, ngati, a ri ni ntoto. A thlela a va ni tinguvu leti a tiri ni swingelengele leswi a swi chaya eka tona, ni phomegiraneti ni xingelengele. Kutani wanuna yaloye a fanele ku famba hi ndlela yaleyo leswaku minkarhi hinkwayo loko a tlakusa nenge wa yena, kutani a famba hi ndlela *leyi* a tlhava goza ra yena, a va vula leswaku “Ku kwetsima, ku kwetsima, ku kwetsima, akuve ka Hosi. Ku kwetsima, ku kwetsima, ku kwetsima, akuve ka Hosi.” Oho, mina!

¹³⁷ Xana ndzi vulavula hi yini? Yingiselani Leswi, Tabernakele ya Branham! Ma ha ri ni xinkadyana. Loko munhu a ri ni ntoto wa Moya wo Kwetsima, leswaku a hlayisiwa endyangwini wa Xikwembu, leswaku a tshamisisiwa exiyin’weni hi Tatana, kutani a tshamisisiwa exikhongelweni lahawani, eka xikongomelo xa yena xa vutomi, kumbe leswi Xikwembu xi nga n’wi vitanela swona, fambelo ra yena ri fanele kuva lero “Kwetsimaka, kwetsimaka, kwetsimaka, eka Hosi. Wa kwetsima, wa kwetsima, wa kwetsima!”

“Oho, mi fanele ku hundzulukela eka *leswi* kutani mi . . .”

“Ku kwetsima, Ku kwetsima, ku kwetsima, akuve ka Hosi.”

“Oho, mi fanele ku pfumela hinkwaswo leswi swi vulaka hi lonkulu, *leswi*.”

¹³⁸ Kambe, “Ku kwetsima, ku kwetsima, ku kwetsima, akuve ka Hosi.” Rito ra Yena a rivi lero rhanga, a Ri vi ro rhanga eka hinkwaswo leswi nga kona, ri nwelela, ri tshamiseka etimbilwini ta n’wina! Ku famba ka n’wina a ku ve ka Rito. “Ku kwetsima, ku kwetsima, ku kwetsima, akuve eka Hosi.”

¹³⁹ “Oho, loko ntsena mi nga ta lahawani! Ndzi ta mi byela leswi hi nga ta swi endla, hi ta kondletela, hi mi hoxa eka vandla ra hina, mi tava vanhu va kahle.”

¹⁴⁰ “Ku kwetsima, ku kwetsima, ku kwetsima, akuve eka Hosi. Ku kwetsima, ku kwetsima, ku kwetsima, akuve eka Hosi,” ku ya emahlweni. A swi hambani ni leswi swi vulaka hi van’wana!

¹⁴¹ “Hi ku byela tithepi leti! Endla *leswi*, endla *leswi*, endla *sweswo*, endla *sweswo*, ni *swin’wana*.”

¹⁴² “Ku kwetsima, ku kwetsima, ku kwetsima, akuve ka Hosi.” Mi vekile mahlo ya n’wina eXihambanweni, nakona kuhava lexi nga mi yimisaka! Mafambelo man’we ya vutomi bya n’wina, mi le ku fambeni epatwini rale Henhla ra Hosi, mi totiwile hi Mafurha ya nkoka lawa nga ni ntoto, mi famba eVukwetsimeleni bya vukwetsimelo. Heyi! Amen. Swikahle.

¹⁴³ Paul u teri Leswi a nga swi kumanga eka vanhu. Xana a vula yini, endzhaku eka va-Galatiya, eka dyondzo ya hina. “Hi ku hi tivisa xihundla xa ku rhandza ka Xona.” Xana i yini ku rhandza ka Xona? “Xi endlile leswaku swihundla swa ku rhandza ka Xona swi tiveka.” N’wina lava mi nge eku tsaleni, vheshe ya vu9. Sweswi ndzi ta hatlisa swinene hi ta hatlisa hi hundza eka swona, hikuva hi le ku hlweleni.

¹⁴⁴ Oho, Rito rin’wana ni rin’wana ri fana ni...?...Oho, Rito rin’wana ni rin’wana i nsuku lowu ngariki na xivumbeko. Ntsena mi nga ha Ri teka mi tshamela ro Ri pholicha. Mi nga ha cela, ndzi nga ha...Mi nga ha teka rin’we ra Marito ya vona leri humaka kwalahaya, mi ri teka mi ri yisa eka Genesa mi ya ri pholicha, mi ri teka mi ri yisa eka Eksoda mi ya ri pholicha nakambe, mi nga ha ri teka mi ri yisa eka Levitika mi ya ri pholicha nakambe, kutani, hi nkarhi lowu mi nghanaka eka Nhlavutelo, Ri Yesu xiphemu xin’wana ni xin’wana! Amen. Ntsena mi nga ha ri pholicha tani hi laha mi lavaka ha kona, ri tava Yesu loko mi ba—loko mi ba Nhlavutelo. Hikokwalaho, U teri, “Hi Mina Loyi a ri Kona, Loyi A nga Kona, kutani Loyi a nga ta Vuya. Ndzi Rimintsu ni Swimintswana swa Davhida, Nyeleti ya ni Mixo. Hi mina Alfa, na Omega.” Sweswo i A na Z hi alifabete ya Xigriki. “Hi Mina kusungula ka A kufika ka Z. Hi MINA! Ndzi Hinkwaswo eka hinkwaswo.” Sweswo hi swona. “Hi Mina loyi a hanya kutani a ndzi file, kutani ndza hanya hilaha ku nga heriki. Ndzi ni swikhiya swa rifu ni tihele.” Oho, mina! Nsuku wun’wana ni wun’wana lowu ngariki ni xivumbeko lowu mi wu tekaka kutani misungula ku wu pholicha, wu ta pholichiwa nale ka Yesu.

¹⁴⁵ Sweswi, ntsena ku nga ri khale ngopfu hi ta—hi ta—hi ta—hi ta, hi ta yima. Ina. Xana hi rindzele yini, sweswi? Xana mi lava yini lahawani ehlengeletanini? Xana i yini xikongomelo xa yona? Xana misava yi konyela yini? Xana bomo ya athomiki yi dewulela yini lahaya, xana timolikhuli ni ti athoms i ta yini? Kutani, oho, xana i swa yini hinkwaswo?

¹⁴⁶ Pfulani, va-Rhoma ya vu8, ntsena xinkadyana. Xana yi yimele yini? Xana hinkwaswo leswi swi yimele yini? Xana i nkarhi muni? Va-Rhoma, papila ra vu8, kutani a hi sunguleni hi ku hlaya, oho, ndzi vula ya vunhungu-...A hi sunguleni xikan’we hi ya nkaye-...vheshe ya vu19, kutani ntsena—ntsena a hi yi hlayeni leswaku hi swi endla, hi swi endla leswaku switsokombela hakunene. Sweswo hi swona. Ndzi tiva laha mi yaka kona. Swikahle. Va-Rhoma, papila ra vu8, ndza pfumela leswaku a ndzi hoxanga sweswi. Ina, nkulukumba. Papila ra vu8, kutani a hi sunguleni lahawani hi vheshe ya vu18. Ntsena a hi sunguleni hi vheshe ya vu14.

Hikuva hinkwavo lava fambisiwaka hi Moya wa Xikwembu, hi vona . . . va nga vana va Xikwembu. Sweswo hi swona.

Hikuva a mi nyikiwanga moya wa vukhumbi leswaku ku chava ku va kona; . . .

¹⁴⁷ “Oho, mi nga hlamali loko ndzi nga huma nyana. Oooo, loko ntsena ndzi nga huma sweswi!” Ndzi nga humeli nchumu! A swi yi hi ku ndzi humile, swi ri U tava a humile. Ndzile ka Yena sweswi, wa vona.

¹⁴⁸ Kunene, mi ri, “Kunene, loko ndzi ri eka Yena!” Sweswi n’wina—n’wina va-Presbyterian mi ri, “Aha, hi pfumela Sweswo minkarhi hinkwayo.” Kambe vutomi bya n’wina byi kombisa leswaku a mi tano, handle ka loko mi famba hi muxaka wa vutomi lebyi Yena a fambisa xiswona, mi pfumela eka Evhangele yin’we ni leyi Yena a yi chumayelege.

¹⁴⁹ Mi ri, “Aha,” mu-Baptist u ri, “hakunene, ni pfumela eka ku sirheleleka loku nga Heriki.” Mi ri karhi mi dzaha tisingara ni kuya a tigigini, ni vavasati va tsemeta misisi ya vona, va tipenda na swikandza swa vona ni maendlelo tani hiloko a ndzi switivi leswaku hikokwalaho ka yini? Mihandzu ya n’wina yi komba leswaku a mi pfumeli eka Rona.

Loko ndzi ku, “Xana ma pfumela eka ku hanyisiwa ka Matimba?”

“Oho, Dokodela Jones u vurile leswaku a swi ri *tano*, leswi a swi ri emasikwini lama hundzeke.”

¹⁵⁰ Sweswi, wena mutikukumuxi! Xana kuhumelela yini hi wena? U n’wana la xisiweke wa xisiwana. U le kule ni Evhangele ku kondza laha swi twerisaka vusiwana. U phijiwile endleleni yin’wana ya ndzhope u wela etaleni leri ri pfurhaka. Xana a wu swi voni lahawani leswi A swi vuleke xana? Leswaku, moya wun’wana ni wun’wana lowu wu vulaka leswaku Yesu a nga tanga a ri enyameni sweswi, i wa moya lowu wu ngariki wa kahle. Bibeke yi teri Yesu Krete hi yena tolo, namuntlha, ni hilaha ku nga heriki. Leswi A swi vuleke ekusunguleni, U kona sweswi, U tava tano hi minkarhi hinkwayo. Ntsena yingiselani.

Hikuva a mi nyikiwanga moya wa vukhumbi leswaku ku chava ku va kona; kambe mi nyikiwile Moya wa lava- . . .

[Nhlengeletano yi ku “*ku hlayisiwa*”—Muhleri.]

¹⁵¹ Sweswi, endzhaku ka loko mi endlwile vana, swikahle, endzhaku ka loko mi endlwile vana. Mi tshamisisiwile, kutani ma switwisisa, endzhaku ka loko kutlangela ku vurile kutani u vekiwile eka Miri kahle. U n’wana wa xinuna, hakunene, n’wana wa xisati, loko u tswariwile ra vumbirhi u tano, sweswo i ku tswariwa ka wena. Kambe sweswi mi tshamisisiwile exiyin’weni.

A hi nyikiwanga moya wa vukhumbi leswaku ku chava ku va kona; kambe hi nyikiwile Moya, kambe hi nyikiwile Moya wa lava vekiwewe vana, lowu hi huwelelaka ha wona, hi ku Aba, Tatana. Leswi vulaka, “Xikwembu xanga.” Swikahle.

Kambe na wona Moya wu yimelana ni moya wa hina, wu tiyisa leswaku hi—hi vana va Xikwembu:

¹⁵² Xana wu swi endla njhani? Mi ri, “Ku kwetsima a kuve ka Xikwembu! Haleluya! A wu ndzi karhati, ndzi n’wana wa Xikwembu,” kutani u tlhela u ya endla swilo leswi u swi lavaka? Moya wa Xikwembu wu ta endla mintirho ya Xikwembu.

¹⁵³ Yesu u teri, “Loyi a pfumelaka eka Mina, mintirho leyi Ndzi yi endlaka u ta yi endla na yena.” Wa vona? Wa vona?

¹⁵⁴ Loko—loko—loko—loko vhinya leyi yi hluka yi tshwala xichocho xa tidiriva, kutani leyi yin’wana yi hluka yi tshwala xichocho xa makwembe, ku ni swin’wana swi nga hoxeka. Wa vona? I kereke leyi nciwiweke swirhabiyana, i vhinya leyi nciwiweke swirhabiyana, i munhu loyi a nga nciwiwa vumunhu. Loko munhu loyi a nga hlanganisiwa ni dinominexini yin’wana, a ri wa dinominexini va tlhela va tivitana Vakreste, va ri hava Moya wo Kwetsima ni Matimba ya Xikwembu ni hinkwaswo swilo leswi . . .

¹⁵⁵ Sweswi, loko mi huma lahawani mi ya va ni maendlelo man’wana tani hi ntlawa lowu pyopyiweke, hi mhaka ya ku mi vulavula hi tindzimi. Ndzi vonile mademona ya vulavula hi tindzimi. Ina, nkulukumba. Ndzi ma vonile ya cina ya ri emoyeni, ya huwelela ni khuvi enon’weni, ni swin’wana ni swin’wana, ni hinkwaswo sweswo. Ndzi swivonile sweswo. A ndzi . . . A ndzi vulavuli hi sweswo. Ndzi vulavula hi Moya wa Xikwembu.

Kambe na wona Moya wu yimelana ni moya wa hina, wu tiyisa leswaku hi . . . vana va Xikwembu:

Kutani loko hi ri vana, hi vadyandzaka; vadyandzhaka va Xikwembu, . . . ni vadyandzhaka kulobye na Krete; loko kunene . . . hi twa ku vaviseka na yena, hi ta . . . kwetsimisiwa na yena.

Hikuva Ndzi ringanisa leswaku nhlomulo . . .

¹⁵⁶ Ntsena yingiselani leswi. Oho, loko leswi swi nga sasekanga!

Hikuva ndzi ringanisa leswaku nhlomulo wa nguva leyi a wu fanelanga ku ringanisiwa niku kwetsima loku ku nga ta kombisiwa eka hina. Eka hina!

Leswi vumbiweke hinkwaswo swi langutela . . .

¹⁵⁷ Swi vula leswi lahawani, hi ri—hi ri ni rito nyana lahaya, ntila nyana wo hlava, “ntumbuluko” ri kahle, hi Xigriki.

. . . leswi vumbiweke hi ntumbuluko, ntumbuluko wu rindzerile *eku* vonakarisiwa ka vana va *Xikwembu*.

¹⁵⁸ Xana hinkwaswo swi langutele yini? Xana ntumbuluko hinkwawo wu langutele yini? Ku vonakarisiwa ka vana va Xikwembu. Wu langutele Kereke loko yi ta exiyin'weni xa yona. Xana a ri mani n'wana wa Xikwembu, loko Adam, a ha ri eku fumeni ka yena? Emisaveni. Yena, a ri ni ndhawu ya yena emisaveni. A hi swona xana? [Nhlengeletano yi ku, "Amen."—Muhleri.] A Xi nga ri Elah, Elah, kutani Elohim; a Xi ri Yehovha. Wa vona? Sweswo hi leswaku, "Hi mina Xikwembu, kutani Ndzi endlile vatirheli van'wana ehansi ka Mina. Kutani Ndzi va nyikile ku fuma. Kutani eka ku fuma ka vona, ku fuma loku ku nga ehansi ka vona, i misava." Vanhu va fuma misava. Kutani ntumbuluko hinkwawo wu languterile ku vonakarisiwa ka vana va Xikwembu. Oho!

Hi hlalerile ku ta ka siku lero ra ntsako ra miliniyamu,
 Loko Hosi ya hina leyi katekeke yi tata yi ta teka Mutekiwa wa Yona loyi a rindzeleke;
 Oho, misava yi le ku konyeni, yi rilela siku ra ku humesiwa ka leswinene,
 Loko Muponisi wa hina a ta vuya nakambe emisaveni.

¹⁵⁹ A hi swona xana? Ku langutela. Xikwembu xi ringeta ku tshamisisa kereke ya Xona eka xiyimo, ku va xi tivonakarisa hi Xoxe, kuva Xi kuma un'we loyi xi nga tirhaka ha yena tani hi leswi, xi ku, "Ku ni Moya wa Mina lowu khulukaka hiku ntshunxeka. Wu lahaya. Leswaku, leswaku, Ndzi—Ndzi nga ha tirha." Lahawani, ndzi kuma un'wana lahawani ndzi n'wi tshamisisa, "Ndzi nga ha n'wi tshamisisa." Ku hlayisiwa, ku tshamisisiwa, ku vonakarisiwa, a humesiwa lahawani kutani a tlangeriwa, a endzeriwa hi Ntsumi, yi n'wi byela swin'wana. Sweswi, loko a vurile ntiyiso! Loko ntsena a endla swin'wana, a swi nga tirhi. Ee, ee, sweswo—sweswo a swi nga tirhi, hi vile na swo tala swo fana na swona. Kambe ndzi vula—kambe ndzi vula ku vonakarisiwa ka vana va Xikwembu, loko Xikwembu xi tava xi tivonakarisiwe hi Xoxe kutani Xi n'wi rhuma. Hiloko a ya emahlweni, kutani leswi a swi vulaka i Ntiyiso. Leswi a swi endlaka i Ntiyiso. Leswi a swi endlaka, u vonakarisa Kreste. Xana mi n'wi avanyisa njhani? Hi ndlela leyi a tshamaka na Rito hakona, a lulama ni Rito. Wa vona, sweswo hi leswi vanhu mi va tivisaka xiswona hinkwawo, swi hi ndlela leyi a tshamaka ha kona na Rito. "Loko va nga vulavula ku ya hi Rito, a ku na Vutomi eka vona," ku vula Bibe. Wa vona? Hambanani na vona.

¹⁶⁰ Sweswi a hi hlayeni, kutani hi—hi ta fanela ku yima, hikuva nkarhi wa hina wa famba. Swikahle, eka vhese ya vu10, kumbe vhese ya vu9, kumbexani.

Xi hi tivisile xihundla xa ku rhandza ka xona, hi ku hi hlayisa, hilaha xi nga tikanelela ha kona:

¹⁶¹ Xi ti kaneleke leswi hi Xoxe, ku nga si va ni masungulo ya misava. Xana i vangani va swi twisisaka xana? Wa vona?

Leswaku eminkarhini leyi vekuweke . . .

¹⁶² Oho, mina, lahawani ha ta nakambe! Huh! Oho, a hi—a hi—a hi swi hundzeni, wa vona.

. . . eminkarhini leyi yi vekuweke hi xona loko yi herile . . .

¹⁶³ Xana ma pfumela eka ku hela ka minkarhi xana? Bibeke yi vula tano, “Eminkarhini leyi vekuweke hi xona loko yi herile.” Xana hi yihi minkarhi leyi helaka? A kuri ni minkarhi ya, kunene, a kuri ni minkarhi leyi vekuweke ya ku hela ka Nawu wa Muxe. A kuri ni minkarhi leyi yi helaka ya—ya—ya Yohana Mukhuvuri. A kuri ni minkarhi leyi helaka ya vandla ra kereke. A kuri ni minkarhi leyi vekuweke yi helaka ya ku chululela ka Moya wo Kwetsima. Sweswi i minkarhi leyi vekuweke yi helaka ya ku hlayisiwa, loko misava ya ha languterile, yi ri eku konyeni. “Kutani loko kuhela ka minkarhi ku fika, loko minkarhi leyi vekuweke hi xona yi herile.” Xana i minkarhi yihi leyi helaka? Loko vafi va pfuka, loko mavabyi ya hela, loko . . . loko misava hinkwayo yi tshika ku konya. “Minkarhi leyi vekuweke hi xona loko yi herile.” Langutani leswi.

Loko minkarhi leyi vekuweke hi xona yi herile xi ta hlengeleta hinkwaswo eka Kreste, . . .

¹⁶⁴ A mi tsakanga xana? Xana Xi ta swi endla njhani? Xi hlengeleta hinkwaswo eka Mani? [Nhlengeletano yi ku eka, “Kreste.”—Muhleri.] Xana mi nghena njhani eka Kreste? [“Hi Moya wu ri wun’we.”] Hi Moya wuri wun’we hinkwerhu hi khuvuriwela eka [“Miri wuri wun’we”] Miri wuri wun’we. Kutani Miri walowo i Miri wa Mani xana? [“Kreste.”] Khale wu avanyisiwile. [“Amen.”] U tekile ku avanyisiwa ka hina. Kutani xana hi va mani hina? “Loko ndzi vona [“Ngati.”] Ngati, Ndzi ta hundza eka n’wina.” Minkarhi hinkwayo Xi langutile eka Miri, lahaya Wu tshamile, wu ri ni ngati. Ndzi kwalahaya ha yini xana? Hi Moya wo Kwetsima. Xi hundzile. Oho, mina!

Kutani loko emikarhini leyi vekuweke hi xona yi herile, leswaku xi ta hlengeleta . . . hinkwaswo eka Kreste, hambi swi ri sua le matilweni, . . .

¹⁶⁵ Sweswi loko mi lava ku vulavula hi vito, ntsena hi ta sungula hi swona sweswi xinkadyana. Xana ndyangu hinkwawo wa le Matilweni wu thyiwile mani? [Nhlengeletano yi ku “Yesu Kreste.”—Muhleri.] Xana ndyangu hinkwawo wa laha misaveni wu thyiwile mani? [“Yesu Kreste.”]

¹⁶⁶ Kuni vavasati va kahle lahawani, va kahle, lava nga fuma, wansati wa ntiyiso, vavasati. Ku ni Manana Branham un'we, Manana William Branham, i nsati wa mina. U ya ekaya na mina. Wa vona, vuningi bya n'wina hinkwerhu mifamba ni vavanuna va n'wina.

¹⁶⁷ Ku ni Kereke yin'we leyikulu leyi hanyaka ya Xikwembu lexi hanyaka, Yi hlayisa Vito ra Xona, Yi tatiwile hi Moya wa Xona. Sweswo hi swona. A ndzi vuli kuri . . .

¹⁶⁸ A ndzi soli mintirho leyinene, a ndzi swi soli swibedlhele swa vona ni swa kahle leswi va swi endlaka. Ndzi pfumela leswaku sweswo swi sasekile, ni minkateko ya Xikwembu leyi yi yaka eka swisiwana, vanhu lava hluphekeke. A ndzi swi soli swilo leswi hinkwaswo va swi endlaka. Swi kahle, ntsena sweswo swi lulamile. Ni minhlangano ya vona leyikulu ni timiliyoni ta tidolara, swa antswa ku vona sweswo kutlula swilovekelo leswi nga hlangana ekhoni, nkarhi wun'wana ni wun'wana. Nkarhi wun'wana na va xixima tani hi vaministara loko va yimile ephulphutini.

¹⁶⁹ Kambe loko swi ta eka ku hlengeletana kun'we emakumu ka nkarhi lowu vekiweke, swi tava swi langutele ku vonakarisiwa ka vana va Xikwembu, hi nkarhi walowo wu vekiwe- . . . leswaku Xi nga ha nhlengeleta hinkwaswo kun'we, hinkwaswo leswi nga tisiwa eka Krete. Xana Krete i yini? I vangani. . . Xana hi nghena njhani eka Yena? I va-Korinto 12, "Hi Moya wuri wun'we hinkwerhu hi khuvuleriwa eka Miri wuri wun'we, lowu wu nga Miri wa Krete, kutani hi va vateka ndhawu va tinyiko hi nkato ni swa kahle leswi A nga na swona." A hi swona xana? "Kutani misava hinkwayo yi le ku konyeni, yi rila, yi languterile ku vonakarisiwa loko Krete ni Kereke ya Yena va hlangana kun'we."

Leswaku. . . minkarhi leyi vekiweke hi xona yi herile. . . xi ta hlengeleta. . . hinkwaswo eka Krete, hambi swi ri swa le matilweni, hambi swi ri swa laha misaveni; kutani hambi eka yena: . . . misaveni; eka yena:

Kambe eka mani. . . hi nyikiwile ndzhaka, . . .

¹⁷⁰ Oho, Makwerhu Neville, ndzi rivalele eku teka nkarhi lowu. Ndzi. . . rito lero ra "ndzhaka." Oho—oho—oho—oho! Oho, ri fanele! Oho—oho—oho—oho! Ndza switiva Xi. . . I Makwerhu wa mina wa xaka ra le kusuhi. A ndzi pfumeli. . . Ndza tshembha leswaku a ndzi hlangananga nhloko. Ntsena ndzi—ndzi—ndzi. . . A ndzi ehleketi leswaku ndzi tano. Kambe, oho, mina! Xana yini? "Ndzhaka." Hi nyikiwile ndzhaka. Un'wana u fanele ku mi siya ni swin'wana. Xikwembu, ku nga siva ni masungulo ya misava, xi mi siyile na swin'wana. Vito leri tsariweke eBukwini, kwalaho hi laha Xinyimpfana xi nga ta dlayiwa kutani mi ta tekeriwa enhlokweni na Xona. Oho! A hi hlayiseni sweswo madyambu lawa. A hi hlayeni nyana ku ya

emahlweni swintsongo. Mina, mina! Leswi hi nga ta swikumisa xiswona eka vhesa ya vu3 madyambu lawa, kumbe papila ra vu3? A hi kali hi ri na tivhesa ta mune kumbe ntlhanu eka leswi. Swingaleswi hilulamisela ku pfala sweswi, hambu leswi, ntsena ndzi to ti hlaya kunene hi hundza.

Kambe eka mani hi nyikiwile ndzhaka, hilaha . . .

¹⁷¹ Yini? Xana hi yi kuma njhani ndzhaka ya lahawani? Hi yi kuma njhani xana? Hikuva hi famba kahle? Xana hi yi kuma njhani ndzhaka leyi? Hikuva hi hlawuriwile. Amen. Heyi! Vamakwerhu va mina va Arminian, ndza switiva leswaku swi chavisa ngopfu. A hi xikongomelo xa mina ku mi vavisa, kambe ntsena swi ndzi khoma kahle ku switiva leswaku swi . . . Mi—mi—mi na swona, mi na swona, makwerhu, swikahle. Ntsena a mi swivoni. Ntsena mi swi kuma ku fana. Wa vona? Mikahle hinkwerhu, wa vona, mikahle hinkwerhu. Wa vona? Kambe, oho, kambe swikahle ku swi languta. Ina. Ntsena tani hilaha Makwerhu Neville a vuleke ha kona hi phaseji nkarhi lowuya, tolo, “Tikumeleni xitepisi kutani mi rhendzeleka mi languta leswi mi nga na swona.” Ina, nkulukumba. Sweswo hi Leswi swi nga xiswona. Moya wo Kwetsima wa Xikwembu i xitepisi lexi xi hi byelaka leswi hi nga na swona. Wa vona?

¹⁷² Wa vona, ndzhaka. Oho, mina! “Hi laha . . .” Xana i ndzhaka ya muxaka wihi?

. . .hilaha hi nga hlawuriwa ha kona khale hi makungu ya loyi a tirhaka swilo hinkwaswo hi ku hisekela ka rirhandzu ra yena:

¹⁷³ Loko Xa hari . . . Xi nga si va Papa, Xi nga si va Xikwembu, Xi nga si va Muponisi, Xi nga si va Muhanyisi, xi nga si va hinkwaswo leswi, Xi hlaurile, xi veka Vito ra Xinyimpfana eBukwini, xi languta ehansi hi vutivi bya Xona kutani xi vona mavito ya n’wina, na wona xi maveka kwalahaya. Xana i yini? Kutani endzhaku nyana hi ta emisaveni, hi tswariwa hi vatswari lava dyoheke; hi famba hinkwako emisaveni, maswitiva. Xo sungula mi xitivaka, tani hi mu-Yuda yaloye lontsongo a kokiweke hi nhompfu, Paul, maswitiva, kutani—kutani a ri ekufambeni, kutani, xo sungula, Swin’wana swi ku, “Lahawani, lahawani, lahawani, lahawani, lahawani!”

Mi ri, “Oho, Aba, Tatana!”

¹⁷⁴ Kutani lahawani hi sungula ku ta, wa vona. Xi hi hlaurile leswaku hi va vadyi va ndzhaka ya Xona, leyi xi hi hlaurileleke yona. Wa vona, hi vile vadyandzhaka ku nga si va ni masungulo ya misava. Wa vona? Oho! Hi makungu ya Xona xi tirha Leswi Xi swi lavaka, sweswo hi swona, ku va Xikwembu ni Muponisi.

Yaloyi na n’wina mi nga eka yena, n’wina lava yingiseke rito leri nga ntiyiso, . . .

¹⁷⁵ Kutani xana i Mani loyi a nga Ntiyiso? Yesu hi yena Ntiyiso, Ntiyiso wa Evhangelu. Xana Evhangelu yihi? Ku ni Evhangelu yin'we ntsena. Va-Galatiya 1, yi ri, "Loko Ntsumi yi nga chumayela Evhangelu yin'wana, a yi rhukaniwi." Leyi hi yona Evhangelu, Evhangelu ya ku ponisiwa ka n'wina; ku nga ri yin'wana, a ku na yin'wana. "Ku hava—ku hava vito rin'wana leri nyikiweke ehansi ka Tilo leri mi nga ponisiwaka ha rona." Kambe hi Vito ra mani xana? [Nhlengeletano yi ku, "Hosi Yesu Kreste"—Muhleri.] Oho, mina!

...yaloyi...siku mi pfumeleke ka yena, mi funghiweke...

¹⁷⁶ Oho, "Siku mi pfumeleke!" Xana hi nga yisa ku yini eka sweswo, makwerhu? A hi swi tshikeleni madyambu lama, xana mi ri yini? Oho, mina! Ntsena a ndzi—ndzi nga yi—yi emahlweni kutlula kwalaho. A hi swi tshikeleni madyambu lama. Ntsena a ndzi nga tshiki rito "funghiweke," xana mi nghena njhani lahaya, wa vona.

¹⁷⁷ Ku dya ndzhaka hi ku hlawuriwa. Ndzi ni ndzhaka yin'wana. Xana i ndzhaka yihi? Ku fanele ku va ni un'wana loyi a nga ta ndzi siyela ndzhaka. Hikokwalaho ka yini, mi ku, "Yesu u mi siyele ndzhaka." Ndzi kombela mi swivula nakambe? Yesu a nga kalanga a ndzi siyela ndzhaka, Yesu a nga kalanga a mi siyela ndzhaka; ntsena U xikerile ehansi kuta mi hakelela ndzhaka ya n'wina, ku mi tisa eka ndzhaka ya n'wina. Kambe mavito ya n'wina ma tsariwile eBukwini ya Vutomi ya Xinyimpfana ku nga si va ni masungulo ya misava. Xikwembu xi mi nyikile ndzhaka ya n'wina. Ndzhaka ya n'wina a yi ri yo sungula. Ntsena Yesu u tile...Kotala, lahawani hi leyi ndlela leyi va ringetaka ku swi endla, "Xikwembu xi ri, 'Kunene, ku ni vanhu vo tala ngopfu lava nga lahleka. Ku hava na un'we wa vona a nga ta ponisiwa, swingaleswi Ndzi ta rhumela Yesu emisaveni kutani kumbexani U ta...un'wana u ta ti vona nandzu, kutani swingaleswi ndzi endlile yini kuva ndzi ponisiwa.'" Oho, tintswalo! Ndzi nga ka ndzi nga fambisi hofisi ya mina hi ndlela yaleyo, hambu loko hi vusiwana bya mina ndzi yi fambisa hi ndlela ya leyo minkarhi yin'wana. Wa vona? A ndzi—ndzi nga swi endlile hi ndlela yaleyo. Xana Xikwembu xona ke?

¹⁷⁸ Xikwembu, hi vutivi bya Xona, xi swivonile kahle leswaku hi vahi lava nga ta ponisiwa ni leswaku hi vahi lava nga taka va nga ponisiwi, Xi rhumerile Yesu ku ta ponisa lava Xi va hlawuleke. Xana Paul a nga vulanga a ku, eka tivhese ta ntlhanu endzhaku ka leyi, leswaku, "Xi hi hlawulerile eka Xona ku nga si va ni misava"? Yaleyoyi i ndzhaka ya hina. Xikwembu xi hi hlawurile, kutani xi pfumelele Yesu leswaku a ta a ta hi hakelela nandzu. Xana sweswo i yini? Hi ku halaka ka Ngati ya Yena, leswaku ku ngavi ni xidyoho lexi hlayiwaka eka hina. Ku ri hava leswi miswi endlaka. Kambe loko mi...

¹⁷⁹ “Hikuva kungaku loko hi dyoha ha vomu leswi hi nga amukela ku tiva ka Ntiyiso, a ka ha ri na mhamba ya ku susa vudyoho.”

¹⁸⁰ Sweswi, kutani hilaha mi nga ta pfuka nakambe, mi ku, “Xana sweswo swona ke, Makwerhu Branham?”

¹⁸¹ Kambe ntsena tsundzukani, wa vona, “loyi a amukeleke *lutivi* bya Ntiyiso.” A va kalanga va amukela Ntiyiso, ntsena va lo amukela *lutivi* bya Wona. Wa vona? Hikuva swi nga ka swi nga endleki leswaku lava nga voningiwa kan’we lava averiweke Moya lowo Kwetsima, lava engeteke va nantswa Rito lerinene. Tani hi vona vafumeri lava nga switiveku leswaku va wela kwihi. Swingaleswi vo tala va ndzi tsalerile mapapila ha sweswo.

¹⁸² Vapfumeri lava vo ka va nga tiveki kuri va wela kwihi va yile kwalahaya, Yohuwa na Kaleb va vona va yile kwalahaya. Xana hikokwalaho ka yini? Sweswi hi ya eku swi vuleni Moya wo Kwetsima sweswo, tiko leri nga lahaya. Va tlhele va vuya *lahawani*. Kumbe ehenhla *lahawani*, va vula leswaku *lowu* i Moya wo Kwetsima, kutani va vuyile *lahawani*, maswivona. Hilaha xitshembhsio xi nga kona, xi *kwalahaya*. “Kunene va ri, loko va nga rhumela tinhlorhi ta khume, un’we eka nyimba yin’wana ni yin’wana, leswaku hinkwato ka tona tinyimba leti ti nga ha switiva leswaku ndzhaka ya hina i yini, laha hinkwerhu hi nga ta tshamisiwa kwalahaya, laha hi nga ta tshamisiwa kona.’ Swingaleswi, ndzi ya eku rhumeleni tinhlorhi tin’wana.”

¹⁸³ Hinkwavo va kumekile kwalahaya, “Oho, mina! Ee. Hi ta vitaniwa vakwetsimi lava vumbulukaka, kusukela kwalaho ku ya emahlweni. Ee, huh-uh, a hi nga swi endli sweswo.”

¹⁸⁴ Joshua na Kaleb va teri, “Ndzi ta ri vona leswaku ri languteka njhani.” Swingaleswi va tile *lahawani* va ta valanguta. Mina, va fikile kwalahaya kutani va kha xichocho lexikulu xa tidiriva ta vona kutani va vuya. Va ku, “Mufana, ri kahle, ntsena rova kahle! *Lahawani*, teka van’wana va vona, va kahle swinene!”

¹⁸⁵ “Oho, sweswo swi kahle, kambe, oho, langutani makulelo lawa. . . Oho, hi ngaka hi nga swi endli. Ku yima hi lwisana ni tidinominexini ta vona letikulu, hi nkwaswo swilo leswi leswikulu? Oho, swibihile ngopfu, hi ngaka hi nga swi endli sweswo. Ee, nkulukumba! A swi na mhaka leswaku i yini, a hi nga swi endli. Ee, nkulukumba.” Kutani va sungula ku vula leswaku, “Oho, a hi tlheleleni endzhaku eka mapoto ya xinyama yale Egipta. Kumbexani a hi tava hi tshamile ehansi kwalahaya. Hi nga ka hi nga swi endli, ndlela leyi yi khumile swinene. Ha switiva leswaku a hi nga swi endli *leswi*, a hi nga swi endli *sweswo*.”

¹⁸⁶ Kaleb wa khale u teri, “Tshamani mi tiyile, hinkwenu ka n’wina!” Joshuwa a ku, “Miyelani, un’wana ni un’wana wa n’wina! Mi nge ndzi vula swin’wana.”

¹⁸⁷ “Oho, yoo, yoo, yoo, a hi nga swi endli! Oho, a hi nga swi endli. Kunene, loko ndzi fanele hi ku tshika khadi ra mina ra vandla, Makwerhu Branham! Loko ndzi nga tshika misisi ya mina yi kula kufana ni ya mukhegula, ntsena a ndzi tivi lexi ndzi nga xi endlaka. Loko ndzi fanele hi ku hambana ni swiambalo swa mina leswo koma, ndzi—ndzi—ndzi, mina, ntsena a ndzi nge swikoti, maswitiva. Kutani loko ndzi nga tshika tisigara ta mina, loko hi ku ndzi fanele ku endla sweswo!” N’wina swikombiso swa vantshuxiwa va swisiwana. Ina. “Ntsena a mi nge swi endli.”

¹⁸⁸ Joshuwa a ku, “Oho, swi kahle. Haleluya! Hi ta ri teka.” Xana a kuri yini? A va langutisile muti lowukulu lowu a wu rhendzeriwe hi makhumbhi. Kutani Joshuwa na Kaleb a va langutisile eka xitshembhiso lexi endlweke hi Xikwembu. Va tshama na Rito, swi nga ri ni mhaka leswaku mi va mani. Tshamani na Rito!

¹⁸⁹ Hikuva Petro u teri, “Hundzukani, un’wana ni un’wana wa n’wina, kutani mi khuvuriwa hi Vito ra Yesu Kreste eku khomeriweni ka swidyoho swa n’wina, hikuva xitshembhiso xi le ka n’wina,” (Tiko rihi ra xitshembhiso?) “nile ka vana va n’wina, ni lava va nga ekule naswona, hambi ku ri lavo tala lava Xikwembu xa hina xi nga tava vitana.”

¹⁹⁰ Mi nga pfumeleri leswi swi mi vavisa, hi ku pfala, mi nga swi pfumeleli na kombela. Wa vona? N’wina va Pilgrim Holiness ni va Nazarene, mi te kahle eka ku kwetsimisiwa, mi tile kahle lahawani exivandleni lexi mi nga ha vonaka hambi kuri ku vona tidiriva, kutani mi hundzulukile mi tlhelela endhaku. Xana maswivona leswaku ku humelela yini xana? Yaleyo hi yona mhaka, a mi kalanga mi nghena etikweni. Ndzi kombeni un’we wa Nazarene kumbe Pilgrim Holiness, kumbe un’wana ni un’wana va vona laha misaveni namuntlha, loyi a nga ni mfhumba lerikulu ra ku hanyisa laha masingita ni swihlamariso swi endliwaka. Ndzi kombeni un’we. Mi tshamile ehansi na Egipta, mi tlhelerile emapotweni ya galiki. Mi yimile eKadesh-barnea. Hi swona sweswo.

¹⁹¹ Langutani, mi nge ndzi mi nyika xivandla xa n’wina, eka va-Heveru papila ra vu6. “Hikuva swi nga ka swi nga endleki leswaku lava nga voningiwa kan’we,” mi switiva ku antswa. Loko mi nga switivi, switiveni sweswi. Wa vona? “Kutani va vile vateka ndhawu, ni ku ringa tinyiko ta le Tilweni.”

¹⁹² Va ringile, wa vona. Vanhu va ya ekerekeni, kutani va tshama va ku, “Maswitiva, vona, va nga hava lava nga ni

ntiyiso. Sweswo-sweswo-sweswo swi nga hava swi ri swona. Ntsena swi tava leswi fanaka, kambe ndza mi byela, mufana, swi teka ripfumelo ro tala ku endla sweswo.”

¹⁹³ “Ku nantswa ku ha ka le Tilweni, ni ku hlayela Ngati ya ntwanano ni ‘swilo leswi nga kwetsimiki,’ leswi swi nga kwetsimisiwa.”

¹⁹⁴ Tani hi muchumayeri, mana wa yena u n’wi rhumerile ekule. A ku, “Ndzi vitaniwile ku va nandza wa Hosi.”

¹⁹⁵ “Swikahle. Xo sungula lexi ndzi faneleke ku xi endla i ku hlantswa bodo, murhandziwa, kutani ndzi lava ku ku rhumela exikolweni xin’wani.” I swa nkoka leswi swi nga tshama swi endleka. Hi swona. Va ta ya n’wi tekela hinkwaswo leswi Xikwembu xi ringetaka ku swiveka eka yena. Manuku, sweswi langutisani.

¹⁹⁶ “Hikuva ku nga ku loko hi dyoha ha vomu, hi dyoha ha vomu leswi hi nga amukela ku tiva ka Ntiyiso, vutivi. Swi languteni eMatsalweni nakona mi switiva leswaku Bibeleyi teri hi Yena tolo, namuntlha, ni hi laha ku nga heriki. Maswivona Sweswo, i vutivi bya Ntiyiso. Ku byi vona, ha byi balekela, ni ku hlayela Ngati ya ntwanano . . .”

¹⁹⁷ Munhu u ri, “Oho, ina, ndzi pfumela eka—eka Xikwembu.” Swikahle, mi endlile goza ro sungula.

¹⁹⁸ “Hakunene, ndzi pfumela eka ku kwetsimisiwa.” Swikahle, mi le ka ndzilekano, kona kwalahawani mi ti lumamisela ku amukela Moya wo Kwetsima. Kambe mi langutile etlhelo mi ku, “A—a—a ndzi tivi nchumu ha sweswo. Loko ndzi nga va ni maendlelo yo fana ni ya . . . Ee. A ndzi swi tivi. Xana maswitiva leswaku hikokwalaho ka yini va va vitana vanhu? Uh-huh, a ndzi switivi loko ndzi nga swi endla sweswo kumbe ndzi nga swi endli. Ee, ntsena ndzi pfumela leswaku ndzi ta ya emahlweni niku joyina . . .? . . .” Wa vona? Wa vona?

¹⁹⁹ Kutani xana maswitiva leswi humeleleke? A ku, “A swi nge koteki eka vona leswaku va nga nghena.” Va dyohile emasikwini ya vona ya tintswalo. Bibeleyi vula tano. Ndza switiva leswaku sweswo swa nonohwa, kambe Bibeleyi teri, “Va nantswe ku ha ka le Tilweni, niku hlayela Ngati ya ntwanano laha . . .”

²⁰⁰ Va ri, “Ndzi pfumela eka ku kwetsimisiwa, ka kahle, ko tenga, vutomi lebyi kwetsimeke.”

²⁰¹ Hakunene, kambe n’wina, loko mi vonile nkhuvalo wa Moya wo Kwetsima, ni nkhuvalo ni swilo hinkwaswo leswi nga eBibeleni, kutani mi endle yini? Mi hlayerile Ngati ya ntwanano leyi mi kwetsimiseke, “nchumu lowu nga kwetsimiki.” I ncini lexi misuseke emisaveni xi mi yisa lahaya ehenhla, vanhu? Xana i yini . . .? . . . Xana i yini lexi mi susaka

kuva vadyohi vale hansi-hansi? Xana i yini lexi suseke xidyoho evuton'wini bya n'wina, niku dzaha niku nwa, ni vavasati ni hinkwaswo leswi nga ehandle ka vutomi bya n'wina, leswi a swi fanele swi nga ri kona lahaya? I ncini xi swi endleke sweswo? Ngati ya ntwanano! Kutani mi tshunelela ekusuhi swinene ku ringa tidiriva eka Tiko lerin'wana, niku va ni tingana eka Evhangelu, ni ku chava dinominexini ya n'wina! Xikwembu xi ni tintswalo! Ina, nkulukumba. "Ku hlakeriwa Ngati ya ntwanano eka 'nchumu lowu nga kwetsimiki,' ni ku endla leswi hambanaka ni mintirho ya tintswalo. A swi nge koteke eka yena ku nghena eTikweni."

²⁰² Xana ku humelerile yini? Ndza mi vutisa. Sweswi, ndzi thayipologisti, kutani munhu un'wana ni un'wana loyi a tivaka Bibeke i thayipologisti. Xana un'we wa vanhu lava u ngenile eTikweni ra xitshembhiso xana? Ku hava na un'we wa vona. I mani a swi endleke, i mani a ku ngheneke kwalahaya? Lava va yeke eku sunguleni, va vuye va ku, "Hi ta ri teka, hi tava ni Moya wo Kwetsima hikuva Xikwembu xi vule tano! Petro u teri hi Siku ra Pentekosta, loko ndzi 'nga hundzuka kutani ndzi khuvuriwa hi Vito ra Yesu Krete,' ndzi ta amukela Moya wo Kwetsima, xitshembhiso xi le ka mina. Ndza swi navela ku swi endla. Mina, xitshembhiso i xa mina." Ma swi kuma xana? "Sweswi xitshembhiso i xa mina. Ndza xi amukela, i xa mina. Hakunene xi tano." A va ri van'wana.

²⁰³ "Oho," mi ri, "kambe, Makwerhu Branham, eku pfukeni ka vafi!" A va ngavi kona lahaya. "Oho, a va nga vi kona?" Ee, nkulukumba. Ku vule Yesu.

²⁰⁴ Va teri, "Kutani U tiendla lonkulu Wena tani hi Muxe, nakona U ri a Wu ri kona, U 'vonile Abraham.'" Kutani a ku, "Kutani—kutani—kutani—kutani Abraham u file! Hikokwalaho ka yini, A wu na—A wu na ku tlula makume ntlhanu wa malembe hi vukhale, kutani U ri U vonile Abraham?"

²⁰⁵ A ku, "Loko Abraham a nga si va kona, A NDZI ri kona." Oho, mina! "A NDZI ri kona," ku va kona hilaha ku nga heriki, Xikwembu lexi nga Heriki. Ku nga ri tolo, ku ngari mundzuku, "A NDZI ri kona." Wa vona? Xikwembu lexi tshamaka xi ri kona, Elohim, "A NDZI ri kona." Kutani va yile emahlweni. . . A va ya eku N'wi dlayeni.

²⁰⁶ A ku, "Kunene, vatata wa hina a va dya mana emananga hi malembe ya makume mune. Xikwembu xi nisile xinkwa kusuka eTilweni kutani xi va phamela. A va ya ekerekeni nakona a vari swirho swa kahle kuringana makume mune wa malembe. Manana wa mina wo dyuhala u fele kwalahawani eka kereke ya leyi," ni swin'wana swo fana ni sweswo. "Vatata wa mina a va dya mana emananga hi malembe ya makume mune."

²⁰⁷ Kutani Yesu a ku, “Kutani un’wana ni un’wana wa vona u file.” *Ku fa* swivula “ku hambanela Makumu.” Un’wana ni un’wana wa vona u file. Kambe Ndzi ri ka n’wina, leswaku Ndzi Vuswa bya Vutomi lebyi humaka eka Xikwembu xa Matilo. Munhu loyi a dyaka Vuswa lebyi bya Moya, u ni Vutomi lebyi nga Heriki kutani a nga ka a nga lovi. Kutani Ndzi ta n’wi pfuxa hi siku ra makumu.” Oho, makwerhu, xana A hi lonene xana?

Xana A hi lonene, lonene, lonene?
 Xana a hi yena Yesu Hosi ya Hina lonene?
 Mahlo ya vonile, tindleve ti yingiserile, leswi
 tsariweke eRitweni ra Xikwembu;
 Xana a hi yena Yesu Hosi ya hina lonene?

²⁰⁸ A hi swona xana? Hi vona Moya wa Yena lowu xikaka wu famba exikarhi ka hina. Ha N’wi vona a endla mahlori ni masingita ni swihlamariso. Ha Ri twa ri tsariwile eRitweni lahawani, ma Ri vona ri tiyisisiwa lahaya. Oho, mina!

Mahlo ya vonile, tindleve ti yingiserile, leswi
 tsariweke eRitweni ra Xikwembu;
 Xana a hi yena Yesu Hosi ya hina lonene?

²⁰⁹ Eka tin’wana timinetse timbirhi, kumbe tinharhu, ku tava ni nkhuwulo wa mati lowu nga ta endliwa kwalahawani. Kutani lava nga ta khuvuriwa, mi nge vavasati va ta *lahawani*, kutani vavanuna eka tlhelo *leri*. Kutani vavanuna lava nga tlhelweni ra mina ra ximatsi, *lahawani* eka tlhelo *leri*. Kutani vavasati *lahawani*. Ku tava ni vasesi lava lulameke ni swiambalo. Kutani loko wanuna kumbe wansati loyi a nga lahawani emixweni lowu, loyi a khorwisiweke hi Rito ra Xikwembu, kutani ni pfumela leswaku Xikwembu xi hlaysa xitshembhiso xa Xona, leswaku loko munhu a hundzuka eka swidyoho swa yena hinkwaswo! Sweswi, Ngati a yi si endla nchumu sweswi. Ee, ntsena i ripfumelo ra n’wina eka Xikwembu. Ni ku vitana ka Xikwembu, ntsena [Makwerhu Branham a hefemulela eka makhrofoni, “Whoosh, whoosh, whoosh.”—Muhleri.] xi vitana n’wina. Sweswo hi leswi xi nga ku swi endleni sweswi. [“Whoosh, whoosh.”] “A ndzi se khuvuriwa.” [“Whoosh, whoosh.”] “Kunene, kunene, loko ntsena ndzi nga sungula kutani ndzi endla ku hambana.” [“Whoosh.”] Walowo, walowo i nchumu, sungula, manuku—manuku mi ta endla ku hambana loko mi sungurile. Wa vona? Mi fanele ku hundzuluka, mi sungula, wa vona.

Mi ri, “Kunene, ntsena a—a—a ndzi kalanga ndzi swi vonisa xisweswo.”

²¹⁰ Kunene, makwerhu la rhandzekaka, ndzi lava leswaku mi ndzi komba Tsalwa rin’we laha munhu a nga... Ndzi nyikile leswi kuringana makume nharhu-n’we wa malembe wa ministri misava hinkwayo, emahlweni ka vabishopo ni kuya

emahlweni, laha munhu un'we, munhu un'we a nga tshama a khuvuriwa hi ndlela yin'wana handle ka Vito ra Yesu Kreste. Ni un'wana ni un'wana loyi a nga khuvuriwangiki hi Vito ra Yesu, u fanele ku ta khuvuriwa nakambe hi Vito.

²¹¹ Xikwembu xi ni Vito rin'we ntsena, kutani Vito ra Xona i Yesu. Laha akuri N'wana wa Xona, Xi tekile Vito ra N'wana wa Xona. Xikwembu! Sweswi, Yesu, hi miri a ri munhu. Ha switiva sweswo. Leswaku a ri N'wana wa Xikwembu loyi a kombisiweke. Sweswi a hi pfumeli eka maendlelo ya vun'we, ya vanhu lava nge Xikwembu xi fana ni rintiho ra n'wina. Hi pfumela leswaku ku ni Mintu- . . . Mintumbuluko yi nharhu ya Xikwembu. Mintumbuluko yi nharhu ya Xikwembu, Xikwembu xi tikombisile eka yona. Kambe ku ni Xikwembu xin'we ntsena. Wa vona? Hi swona. A hi pfumeli. . . Hi pfumela eka—eka. . . Mi nge ndzi swivula hi ndlela leyi, hi pfumela leswaku Xikwembu xi hanyile eka tihofisi tinharhu. Xi vile ni hofisi laha emisaveni nkarhi wun'wana.

²¹² Sweswi, n'wina vavasati vanani eka tlhelo *leri*, kutani n'wina vavanuna mi va eka tlhelo *leri*, sweswo i ku tilulamisela. Kutani va ti lulamisela xikhongelo xa nkhumulo sweswi.

²¹³ Kutani, sweswi, Xikwembu xi ni tihofisi tinharhu. Yin'we ya tona yi vitaniwa Vutatana, kumbe ku avela ka Tatana; leyin'wana yi thiyiwile Vun'wana; kutani leyin'wana yi thiyiwa Moya wo Kwetsima. Sweswi, namuntlha, xana—xana Tatana u tirha eka ku avela kwihi namuntlha? [Nhlengeletano yi ku eka “Moya wo Kwetsima.”—Muhleri.] Moya wo Kwetsima. Xana a Xi ri mani eka masiku lama hundzeke? [“Yesu.”] Yesu. Xana a Xi ri mani loko xi nga si va sweswo? [“Tatana.”] Kambe ntsena kova Xikwembu xin'we! A hi swona xana? Hi Xona Tatana, N'wana, ni Moya wo Kwetsima. Vunharhu lebyi, tihofisi leti nharhu ta Xikwembu xin'we. Xikwembu xin'we!

²¹⁴ Kambe sweswi, Tatana a hi vito, a hi swona xana? Ndzi lava ku mi vutisa. Sweswi ndzi lava ku mi nyika Matewu 28:19, laha Yesu a nga teri, “Yanani hakona, mi ya dyondzisa va matiko hinkwawo, mi va khuvula hi Vito,” (V-i-t-o) “Vito ra Tatana. . .”

²¹⁵ Sweswi ndzi lava ku vona loko hakunene mi ya tiva kahle Matsalwa ya n'wina. Mi ndzi byela loko ndzi huma endleleni. Kutani U teri eka vona, “Yanani misaveni hinkwayo, mi ya byela swivumbiwa hinkwaswo Evhangelu. La nga ta pfumela kutani a khuvuriwa u ta hlayiseka. Kambe la nga pfumeriki u ta avanyisiwa. Hi wona masingita lama nga ta endliwa hi lava pfumeleke. Va ta hlongola madimona hi Vito ra Mina,” (a hi ntiyiso hi nkwaswo walowo?) “va ta vulavula hi tindzimi letintshwa, va ta khoma tinyoka.” Sweswi ndzi ya eku mi tshaheleni, Matewu. . .

²¹⁶ Sweswi yingiselani. Ndzi kombela n'wa-matimu un'wana ni un'wana. Sweswi leswi swi le ka thepi, leswi swi ya famba misava hinkwayo. Ndzi kombela n'wa-matimu un'wana ni un'wana leswaku a ta a ta ndzi nyika tsalwa rin'wana ni rin'wana ra Matsalwa, tsalwa rin'wana ni rin'wana ra . . . kumbe ku nga ri Matsalwa, tsalwa rin'wana ni rin'wana ra Matsalwa kumbe matimu ya n'wana ni man'wana, vheshe yin'wana ni yin'wana ya matimu leyi yi nga tshama yi kombisa leswaku Protestant yin'wana ni yin'wana, laha un'wana ni un'wana a nga tshama a khuvula hi vito ra "Tatana, N'wana, Moya wo Kwetsima" ku fikela laha kereke ya Khatholiki yi swi hlalulaka eka Nicene Coucil. Sweswi sweswo swi leka thepi, swi ta famba na misava hinkwayo, makume nharhunkombo wa tindzimi leti hambaneke swi ta hundzuluxeriwa eka tona. Ndzi ta hakelela ndlela ya n'wina yo tsemekanya lwandle. Hi swona. "Tatana, N'wana, ni Moya wo Kwetsima" i vunwa, kova mavonele ya nawu wa Khatholiki, kutani ku nga ri nkhubulo wa Xikreste. Hi swona! Luther u ta na swona kusuka eka kereke ya Khatholiki, hi ku lerisiwa hi swivutiso ni tinhlamulo, Wesley u swi tekelerile a ta na swona. Kambe leri i siku ra ku vonakarisiwa ka vana va Xikwembu, loko swihundla leswi a swi tumbetiwile kusukela emasunguleni ya misava swi tivisiwa. Lowu hi wona nkarhi. Hakunene.

²¹⁷ Tsundzukani, kuhava munhu na un'we eBibeleni loyi a nga tshama a khuvula hi vito ra "Tatana, N'wana, Moya wo Kwetsima." Kuringana madzana nharhu wa malembe endzhaku ka rifu ra muapostola wo hetelela, kuhava ni un'we loyi a nga tshama a khuvuriwa hi vito ra "Tatana, N'wana, Moya wo Kwetsima." A vari ni . . . Ndzi hlayile ha vumbirhi ti *Pre-Nicene Fathers, The Nicene Council*, kutani kusukela kwalaha wa kondleterile leswi va swi vitanaka "kereke ya misava hinkwayo ya Vakreste" kutani va endlal vandla leri ri humaka eka yona kutani va bohelela vanhu hinkwavo eka rona, leyi a yiri kereke ya Khatholiki. Rito leri rifanaka ra *khatholiki* ri vulaka "misava hi nkwayo," kereke ya misava hinkwayo ya Vakreste, ku rhendzeleka hi misava, kereke yin'we leyi angharhelaka misava. Kutani Vukreste lebyi, va bohelela vanhu eka byona. Kwalahaya va tekelerile, va enhlisile Venus va vekela Maria ehenhla. Va enhlisile Paul. . . kumbe Jupiter, kutani va vekela Paul ehenhla. Ka hari vuhedeni! Hi swona. Kereke ya Khatholiki yi huma kwalahaya, kutani endzhaku ka ntlhanu wa madzana ya malembe. . .

²¹⁸ Va ni ntlhangu lowu wu yaka emahlweni eLouisville sweswi, *Ben Hur*. A vari ni *Milawu ya Khume* ku nga ri khale ngopfu. Ndzi nga tsaka loko va teke wun'we wa yona, loko va nga swikota, ya malembe ya khume ntlhanu wa madzana ya tinguva ta munyama. Ndzi navela loko va swivekile sweswo. Khume ntlhanu wa madzana ya malembe ya ku xanisiwa hi

vahedeni, loko va bohelerile un'wana ni un'wana va va dlaya, va va dlaya, va va hinga. Va veka havi eka voko rin'wana ni le ka rin'wana ra vona, kutani va va endla leswaku va ntswontswa xihambano kumbe yi sungula un'wana hi ndlela leyi kumbe hi ndlela ya leyo. Ndzi vekile voko ra mina, eSwitzerland, endzhaku ka timhandzi leti a va yime ka tona niku tsemelela marimi ya vona va tlhela va tivitana valoyi ni swin'wana. Sweswo hi swona. Hi swona!

²¹⁹ Kutani moya lowu fanaka ni walowo wa ha ri kona ni namuntlha. Ntsena i nawu lowu wu swi yisaka ehansi. Yimani ku kondza wu kuma ntshunxeko wa wona. Bibeledi yi vule tano. Ntsena yimani ku kondza wu tikomba mihlovo ya wona, wa ha kumile xinkadyana. Mi nga ha wu hlawula eka leswinene ku nga ri khale, eka hinkwaswo leswi ndzi switivaka. Wa vona? Wu tava tano, wu tata. Kuhava ndlela yo wu hlongola. Wu fanele kuta. Sweswo hi swona. Wu fanele ku ta, wu le ku teni. Swingaleswi loko wu tava wu tile, ntsena mo langutisa. Kambe, makwerhu, mi lava ku tiva nchumu lowu wun'we, ndzi tiva Loyi ndzi pfumeleke eka yena. Haleluya! Ndzi macha ndziya emahlweni. Wa vona. Sweswo hi swona.

²²⁰ Ku vile ni nkarhi lowu—lowu mutsari, loko ndzi tava ndzi byerile mutsari wa Lam-. . .Lamsa—Bibeledi ya Lamsa, loko a tava a langutisile sayini ya leyo ya khale ya Xikwembu, ntsena tani hi sweswo, swi nthonsani swinharhu eka yona, ndzi ku, "I ncini leswi?"

U teri, "Sweswo i Xikwembu eka Mintumbuluko yinharhu."

Ndzi ku, "Tani hi Tatana, N'wana, ni Moya wo Kwetsima xana?"

U ndzi langutile. A ku, "Xana wa swi pfumela sweswo?"

Kutani ndzi ku, "Ina, nkulukumba."

²²¹ A ku, "Ndzi vonile ku xika kwaloko madyambu man'wana, a ndzi ehleketa leswaku i muprofeta wa Hosi." A ku, "Xikwembu a xi katekisi mbilu ya wena." A ndzi vukarha, a ku, "Sweswi ndza switiva leswaku hi swona." A ku, "Vanhu lava va Amerika a va kali va tiva nchumu." A ku, "A va tiva nchumu hambu ku ri kutiva nchumu." A ku, "Va le ku ringeni ka ku teka Buku ya le Vuhuma-dyambu va yi endla yale Vupela-dyambu ha Yona. A va yi tiva hambu kuri ku yi tiva Bibeledi ya vona." A ku, "A ku ni Vito rin'wana leri nyikiweke ehansi ka Tilo, a ku ni Vito rin'wana, hikuva un'wana ni un'wana u khuvuriwile hi Vito ra Yesu Krete. Kuhava swo fana ni sweswo swa vanhu vanharhu eka Xikwembu xin'we." Kutani yaloye i Makwerhu Lamsa, Dokodela Lamsa, muhundzuluxi wa Bibeledi ya Lamsa, loyi a nga munghana wa ntiyiso wa Eisenhower ni hinkwavo va diplomati lavakulu wa misava, ni swin'wana, a ndzi vukarha hi mavoko ya yena, a

ku, “Siku rin’wana va ta ku balesela hikokwalaho ka sweswo. Kambe,” a ku, “tsundzuka, vanhu lava hinkwavo va file hikokwalaho ka xivangelo.”

²²² Ndzi tsakela kufana na Petro wa khale loko a vekiwile ekhotsweni. A ku ri ni xifanyetani xa khale kwalahaya kutani a xi rhurhumela. Hiloko a ku, “Oho, xana mhaka i yini?”

Xi ku, “Xana wa switiva leswaku u ya eku xanisiweni xana?”

Petro a ku, “Ina.”

Xi ku, “Kunene, u langutane niku fa namutlha.”

A ku, “Ina.”

Xi ku, “Kunene, va ya—va ya . . . xana a wu chavi xana?”

A ku, “Ee.”

Xi ku, “U fanele u ri un’wana wa lava va ti vulaka Vakreste.”

A ku, “Ina.”

Xi ku, “Xana ku humelerile yini xana?”

²²³ Kutani a xi hlamusela, u tshamile ehansi a n’wi byela xitori xa kona. Kutani tani hiloko xa haya emahlweni, a miyela, a ku, “A ndzi tava ndzi nchuxiwile mixo lowu. A ndzi ta ya ndzi ya joyina tin’wana ta tidinominexini ta vona kutani ndzi hanya eka tona, wa vona. A ndzi tava la ntshuxekeke. Kambe ndzi sungurile ehandle ka nyangwa wa muti, kutani ndzi vonile Un’wana a ta, a nghena. A ndzi switiva leswaku A ri Mani. Ndzi teri, ‘Hosi, xana U ya kwihhi?’ A ku, ‘Ndzi tlhelela endzhaku eku vambiwani nakambe.’” A ku, “Ndzi le kuteni hile ndzhaku.”

Ntsena hiloko va ku, “Xana a ku ri vito ra mani ra Simon Petro?”

A ku, “Hi mina loyi!”



KU HLAYISIWA

Hungu leri hi Makwerhu William Marrion Branham ri sungule ri chumayeriwa hi Xinghezi eBranham Tabernakele eJeffersonville, Indiana, U.S.A., ri susiwile eka thepi yo kandziyisa ya maginetiki ri tsariwa ri nga khomananga hi Xinghezi. Hundzuluxo lowu wa Xitsonga wu tsariwile wu tlhela wu hangalasiwa hi Voice Of God Recordings.

TSONGA

©2009 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpfumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangelu ya Yesu Krete. Buku leyi a yi xavisiwi, yi humesiwa hi xikalo lexikulu, yi vakeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org